

甘肅府縣志輯

中國地方志集成

民國創修涇源縣志

甘肅府縣志輯 ⑭

民國創修渭源縣志

鳳凰出版社·上海書店·巴蜀書社

本書十卷首一卷，據民國十五年
（一九二六）平涼新隴書社石印本影
印。

創修渭源縣志序

志渭源既退而歎曰此非大禹過化之地與何清代數百年來志竟闕如也予錄錄復效螾蝓不幾為醬甑覆乎嗟乎渭其奚裨己憶歲辛亥予承乏斯邑訪求掌故幾同杞宋之無徵蓋同治初回變蠹起廬舍焚燬版籍不存殆有志而同歸灰燼焉時竊深訝之欲倡舉而未遑也乙丑秋予應張公鼎臣將軍聘纂修家譜既付石印而告歲焉譚及邑志遂捐重貲延

予領是役嗟乎渭其奚裨已失史有志端自孟堅其
後承祚志三國郡邑志非史比然且兼表傳則猶之
乎史也非三長不勝任予無一焉惟是將軍簡蒐之
餘數過從商摧邑二三君子殫力採訪各示所見俾
得據事實以裁義法正譌誤刪繁荒簡間摻姦篋剔
苔碑稍補殘缺至疑難之處思之不得鐙昏漏轉輒
繞床躑躅或啟門仰望衆星離離鳥鼠南谷諸峯煙
雲蒼茫恨不起古人以告我蓋吮毫濡墨自知僭踰

而力固亦已縣矣獨惜篋篋者不足塞將軍責而滿
渭人望使邑有志仍非完本弗克告續於先聖王也
嗟乎渭其奚裨已

中華民國十五年丙寅仲夏月

清即用知縣前任渭源縣知事陳鴻寶謹序

渭源自設縣以來志乘闕如光緒初年兆鉀超庭聞
先王父諭先君曰吾忝為一邑望倡修邑志責也適
老病未能實自內疚維時兆鉀年方齟齬雖能記之
而未識此事之重也今忽忽踰五旬矣歲乙丑聘請
前邑侯陳公成秋纂修家譜事竣商修邑志私幸數
百年缺憾成之有日遂留陳公主任捐貲設局以速
其成於是吾邑之掌故可徵而先王父之遺憾慰矣
至其體例之謹嚴稱述之精當在陳公固優為之獨

是志偏邑僻壤與志通都大邑又有別焉通都大邑
佳山佳水衆妙繞環似百千萬名姝抱雲笙月鼓一
簇太真者人物之豐茂著述之宏富炳炳琅琅美不
勝收故志通都者視其所不取偏邑僻壤疆域狹隘
無名山大川足供騷人墨客之游覽吐發秀美又無
仕宦顯赫者豐功偉伐焜耀簡冊不過緣璞存真因
文見事雖市井販夫里巷窶婦苟有片善甄錄不厭
其煩間有名儒碩彥其文章道德尤必條析縷分詳

為網羅以飽父老之志願開後學之津梁故志偏邑
者視其所不棄然棄取不得其道弊亦從此生焉曠
觀近代方志翫冗瑣屑不知凡幾或以子孫而矜誇
其祖父或以姻親而曲徇其私屬或以門徒而標榜
其師長譬之器然雜以瓦礫而金玉反掩也今陳公
以江右之文人仿董狐之直聿公是公非非親非故
必無此弊即吾邑採訪諸君亦必不出此邑人最乎
哉自古勝地因人而顯亦因人而重如杜甫之於草

堂東坡之於西湖一經點綴留名千古吾邑英才輩
出沒此淬勵精神互相觀摩安知忠孝節義理學將
相不蒸蒸日上起增先山水且駕草堂西湖而上之使
異日採風者本嗣宗之瓌姿挾幼輿之風節雕奇彙
藻鋪張揚厲由慎棄以進於慎取豈不盛哉豈不快
哉邑人以兆鉅有裨於茲役僉謂宜有言謹謝不敏
第恭述先人未竟之志與兆鉅此日私心欣幸之由
以附於簡端云爾

中華民國十五年仲夏月

厚威將軍隴東鎮守使邑人張北鈞謹序

倉介河法界三
卷一

創修渭源縣志

修志姓氏

纂輯

清即用知縣前任渭源縣知事陳鴻寶

江西泰和縣

叅訂

清宣統己酉科拔貢周文炳

邑人

清歲貢生隴東鎮署總務處處長姚桑甲

邑人

叅訂兼採訪

清孝廉方正前署海源縣知事楊景熙
邑人

採訪

清歲貢生龐煥昫
崇均邑人

清歲貢生姚震甲

清歲貢生梁廷傑

清歲貢生武煜坤

清廩生何麟洲

甘肅甲種農業學校畢業陸乘駿

清者

賓 徐立朝

清典

吏 楊際春

甘肅師範學校畢業 楊鴻烈

陸軍大學校畢業 蔡兆祥

清文 周文明

膳錄

清生員隴東鎮署書記 趙任俊

校對

隴東鎮署軍需處處長盧步霄

繪圖

清

文

生

曾衍道 陝西長安縣

創修渭源縣志

目錄

卷首

諸序 修志姓氏 凡例 圖考

卷一

天文志

諸圖記
氣候

時刻表

經緯表

卷二

輿地志

沿革表
風俗方言

疆域
物產

形勝
古蹟

關梁

卷三

建置志

城池
實業

公署

賦稅
戶口

倉儲

驛遞

卷四

祠祀志

壇廟
典權附

寺觀

卷五

學校志

學額
田

校址

選舉
仕宦附

卷六

武備志

兵燹附

卷七

職官志 名宦附

卷八

人物志 逸民 鄉賢 忠義 孝友 文苑
懿行 列女

卷九

藝文志 金石附

卷十

雜錄 仙道方伎 謂僑 祥異

倉在江漢原記

卷七

四

創修渭源縣志

凡例

一志以紀事惟求實錄第令後世文獻足徵無貽以
文勝質之謂足矣烏庸繪章飾句以誇多聞靡為
渭源而無縣志此日倡修全憑採訪至其中容有
未完備之處邑人士自能知之秉筆者無能為力
也茲訂為十卷目三十條附以雜錄庶便於披覽
一同治初年墨遭兵燹縣署案卷盡付一炬故所纂

錄同治以後事居多其前者信則存之疑則闕之
雖殫力蒐討終不免罅漏

一每分一卷必有一義非泛設也故於卷之首每各
以數語揭其要而隱括其條理且繆為勸勉之
詞亦誦歲誦詩之意云爾

地域山水須一一考核並詳方位里數務冀一目
了然

一歷代建置等項雖疊經變更凡有可攷者亦莫不

註明以存前人之迹

一現任職官現在人物止登姓氏里爵雖有功德才能則不得書其章程文辭有裨於民者亦間錄一
二以垂久遠

一貧家節孝無力表揚者嵇訪不厭其多然必其人
已故乃可入志若尚存者俟諸後日但已
旌表者不在此例

一入志詩文須切渭地渭事有闕風化者如舉泛然

之作雜列其中便長選詩選文非修志矣故諸賢
佳製如林佳登一二若事不相涉雖有錦繡不便
謬借吉光也


一分門別類悉遵通志但繁簡不同耳經始於民國
乙丑孟冬告成於丙寅仲夏凡八閱月規模粗具
俟來哲加正焉

創修渭源縣志

圖考

輿地之要在圖圖與志相為表裏近代方志多詳志而畧圖既圖矣又或逐於景物而工其摹繪胥無當也今以開方為經緯疆域山川城郭鄉鎮皆攷驗精審辨方位識道里俾覽者如列眉指掌惟八景畧繪景物以別之敬哉有土申畫郊圻修廢舉墜用資考鏡顧不重與作圖考

渭源縣境經緯圖 每方十里



天文志

天包地地未有不隸乎天者固不以廣狹異也史遷
作天官書後世法焉然予產有言天道遠人道迩扶
管窺以強合適成穿鑿耳渭源藁爾區其與於天幾
何而不可謂非天也謹集衆說繪之以圖附以占驗
氣候見天之無所不照人其弗自外哉

星野說

天球西轉地球東移既以子午定天頂即以卯酉分

地平環而北極出地南極入地所可見者祇此半周
天大抵恆星與二十八宿未嘗有度因天道冲漠曆
家難於推測惟以二十八宿為體而隸度於其上以
星宿距離之數相絮用紀日躔焉斗井不當日躔故
其度数寬嘴鬼適當日躔故其度数窄若欲以天球
之定位合地球之定位要以赤道為文主蓋赤道乃
天體正中界限也其在赤道南北二三度外度数漸
狹里數應漸減直至南北九十度樞紐處始無經度

里數是則西人所謂橢圓耳總之用四率以求真數用三角以求中星然後就城中為準而南減北加西減東加以知方里度分之所在舉凡節氣之早遲星辰之隱現朦影之多少晝夜之永短交食之後先皆可預測而得其大概

節錄通志

謹案右云用四率以求真數用三角以求中星二語總不外割圓八線勾股算法者近是試先將五同式勾股形列於左以明其理既明此理則一切

算法俱在其中

此正狐三角形而為正角



甲角半徑為股正切為勾正割為弦 ①

半徑為弦正弦為勾餘弦為股 ②

甲乙正切為弦甲丙正切為股 ③

甲乙正弦為弦乙丙正弦為勾 ④

甲丙正弦為股乙丙正切為勾 ⑤

凡黃赤交角必為二十三度三十分即甲角識別得

每年二十四節一日太陽行一度則一節行十五
度設以穀雨後三日午正測之則穀雨節位在第
二又後三日所以甲乙為三十三度也餘倣此
既得度数又須識別變時法方知太陽出地入地
幾刻幾分

變時法

三十度為一大時

即兩點鐘

十五度為一小時

即一點鐘

三度四十五分為一刻 七度三十分為二刻

十一度十五分為三刻

十五度為四刻即一小時

一度為時之四分


十五分為時之一分

一分為時之四秒

十五秒為時之一秒

恒星天球圖

以京師為中綫



圖

說

圖以民國元年前冬至日太陽在緯南丑宮初
度為體即以正午太陽到正南為式上為黃道
下為赤道冬夏二至距緯二十三度二十七分
太陽黃道一日約行一度一月約過一宮赤道
一日行一週天鐘表四分赤道西移一度每一
時移一宮三十度每一刻移三度四十五分每
逢太陽到午正天下皆同其餘時刻日影到方
有異因分節氣長短距度盈縮並有北極高下

圖


之別故求七政到方時刻尚須推算測量之法
石節錄江右陳松說

從午宮十五度直抵酉宮十五度截取一象限
九十。度減去渭源縣北極高度下餘五十四
度二十五分即申宮二十。度至午宮十四度
之數又從午宮十五度依東加西減之例推至
午宮。二度二十五分三十。秒值并宿黃道
二十七度四十九分。四秒是為渭源縣地平

說

經度也申未午三宮占五十四度

天頂定節氣時刻圖



圖

圖以渭源縣城北極出地三十五度三十五分
為推算之至故南極入地三十五度三十五分
赤道離天頂亦三十五度三十五分而晝夜之
長短節氣之早遲朦影之多寡均無不可考而
知焉如欲知渭源縣夏至節氣刻分則視地平
線交於夏至綫為寅正三刻。一分推至午正
初刻得二十八刻一十四分加一倍得五十七
刻一十三分即日出入地平上畫分之數

說

圖

說

下餘三十八刻。二分即地平下夜分之數也。諸節氣皆然其日出入及晝夜晨昏分則皆以北極出地緯度為消息不在經度。

自冬至至夏至日漸長度數漸高自夏至至冬至日漸短度數漸減故小寒大雪同大寒小雪同立春立冬同雨水霜降同驚蟄寒露同春分秋分同清明白露同穀雨處暑同立夏立秋同小滿大暑同芒種小暑同惟夏至最長冬至最短

節氣時刻表

大寒	小寒	冬至	中節
辰初初刻 ○二分	辰初初刻 十一分	辰初初刻 十四分	日出
申正三刻 十三分	申正三刻 ○四分	申正三刻 ○一分	日入
三十九刻 十一分	三十八刻 ○七分	三十八刻 ○二分	晝刻
五十六刻 ○四分	五十七刻 ○八分	五十七刻 十三分	夜刻
六刻○五分	六刻○七分	六刻○九分	朦影

清明	春分	驚蟄	雨水	立春
卯初二刻 十三分	卯正初刻。	卯正一刻 二分	卯正二刻 四分	卯正三刻 四分
酉正一刻 二分	酉正初刻。	酉初一刻 十三分	酉初一刻 十一分	酉初初刻 十一分
五十刻 四分	四十八刻。	四十五刻 十一分	四十三刻 七分	四十一刻 七分
四十五刻 十一分	四十八刻	五十刻 四分	五十二刻 八分	五十四刻 八分
六刻四分	六刻。	六刻一分	六刻二分	六刻三分

天文志

時刻表

穀雨	立夏	小滿	芒種	夏至
卯初一刻 十一分	卯初初刻 十分	寅正三刻 十三分	寅正三刻 四分	寅正三刻 一分
酉正二刻 四分	酉正三刻 五分	戌初初刻 二分	戌初初刻 十一分	戌初初刻 十四分
五十二刻 八分	五十四刻 十分	五十六刻 四分	五十七刻 七分	五十七刻 十三分
四十三刻 七分	四十一刻 五分	三十九刻 十一分	三十八刻 八分	三十八刻 二分
六刻八分	六刻十二分	七刻四分	七刻八分	七刻九分

白露	處暑	立秋	大暑	小暑
卯初二刻 十二分	卯初一刻 十一分	卯初初刻 十分	寅正三刻 十三分	寅正三刻 四分
酉正一刻 二分	酉正二刻 四分	酉正三刻 五分	戌初初刻 二分	戌初初刻 十一分
五十一刻 四分	五十二刻 八分	五十四刻 十分	五十六刻 四分	五十七刻 七分
四十五刻 十一分	四十三刻 七分	四十一刻 五分	三十九刻 十一分	三十八刻 八分
六刻四分	六刻八分	六刻十二分	七刻四分	七刻八分

秋分	卯正初刻。	酉正初刻。	四十八刻。	四十八刻。	六刻。
寒露	卯正一刻。 。二分	酉初二刻。 十三分	四十五刻。 十一分	五十刻。 。四分	六刻。一分
霜降	卯正二刻。 。四分	酉初一刻。 十一分	四十三刻。 。七分	五十二刻。 。八分	六刻。二分
立冬	卯正三刻。 。四分	酉初初刻。 十一分	。十一刻。 。七分	五十四刻。 。八分	六刻。三分
小雪	辰初初刻。 。二分	申正三刻。 十三分	三十九刻。 十一分	五十一刻。 。四分	六刻。五分

大雪

辰初初刻
十一分

申正三刻
四分

三十八刻
七分

五十七刻
八分

六刻七分

里差說

按方數表十分為寸百分為尺五百分為步千分為
丈一百八十大為里則一里云者即三百六十步亦
即千八百尺亦即萬八千寸也而二百里之一度在
地為七萬二千步亦即三十六萬尺也合計赤道三
百六十度之大圓得七萬二十里焉然地方之寒暑


實分於南北之緯度二主綫四十七度之間常為太陽正照為熱帶二至綫外距極圈四十三度之間常為太陽斜照為溫帶極圈之外達於南北極點二十三度半之間為寒帶南北兩極二千三度半合成四十七度加北溫帶四十三度共成九十度熱帶四十七度加南溫帶四十三度共成九十度通同算計合成一百八十度即為半周天之數春分後日斜入於北由北地漸煖而北熱帶而北溫帶及晝長圈而轉

秋分後日斜入於南由南地漸煖而南熱帶而南溫帶及晝短圈而轉其北寒帶之北為北極南寒帶之南為南極皆日光所不到南極之寒不減於北極而東西同度之地寒暑無異南北不同綫之地寒暑難同算里差者所以首務太陽也是非先知日影之長短則地方之緯度不可得而測矣但人所居有南北則所見太陽高下亦異今以里差準之則雖同此一日而北方日影與南方迥殊故傅雲龍墨加禱法地圖


說謂切綫雖善於平分要莫若用餘緯度折半之正切以距等圈緯錢與經綫交皆成直角其緯綫近極漸疏以長補短即等於地面經綫近極益密之率以未一行合地扁圓之數大旨與梅氏橫表取倒影法略合竊以為表無分於橫查總以勾股比例為要特橫表當以太陽半徑減高度而用正切直表當以太陽半徑加高度而用餘切耳茲舉查表取平影為例列圖於左以備參考

節錄通志

太陽高度圖



餘切綫求直影圖



圖

如第一圖天頂至地平為一象限九十度減去北極出地三十五度三十五分餘五十四度二十五分即赤道南至地平之數

如第二圖甲乙為半徑為股以當表丙乙為餘切綫為勾以當影甲丙為日光斜絃太陽在己光射於表端之甲直至於丙成甲乙丙勾股形己庚高度與戊丁相對之度等用戊丁如用己庚也

說

圖

說

假如宣統二年前十一月初十丙辰日戌初三刻。二分冬至後小寒節太陽黃道在緯南二十度十三分此萬國五洲所同也即將此數併八渭源縣冬至太陽高度三十度五十八分內得五十二度十一分是為渭源縣太陽赤道緯南高度也午時太陽離地平五十一度十一分太陽離天頂三十八度四十九分北極北至地平三十五度三十五分赤道南至地平五十四

度二十五分

春分太陽高度

日影離地平五十四度二十五分。

夏至太陽高度

日影離地平七十七度五十二分。

冬至太陽高度

日影離地平三十三度五十八分。

經度分秒

分綫在西經一十二度。七分。〇。


緯度分秒

北極出地三十五度三十五分。〇。比大興縣低四度二十分。〇。

列宿躔次

地平經度在井宿二十七度四十九分。〇。四秒。

井宿圖







井宿圖考

步天歌云八星橫列河中淨一星名鉞井邊安兩河
各三南北正天樽三星井上頭樽上橫列五諸侯侯
上北河西積水欲覓積薪東畔是鉞下四星名水府
水位東邊四星序四瀆橫列南河裏南河下頭是軍
市軍市團圓十三星中有一箇野雉精孫子丈人市
下列各立兩星從東說闕邱兩星橫河中邱下一狼
光蒙葦左畔九箇鸞弦弓一矢擬射頑狼胸有箇老

人南極中春秋出見壽無窮

鬼宿圖



○天祀

步天歌云四星冊方似木櫃中央白者積尸氣鬼上
四星是燿位天狗七星鬼下是外厨六間柳星决天
社六星弧東倚社東一星名天紀

占驗

井八星在河中主水衡法令所取平也王者用法平
則井宿明而端鉞一星附井前主斬淫奢南北
二河各三星搖動及火守主兵起聚則路通四瀆

四星江淮河濟之精也明大則水溢水位四星主
水衡若客星水火守犯或彗字星犯皆大水夫樽
三星主給貧饒暗歎明豐五諸侯五星主治陰陽
察得失明大潤澤天下治積水一星在北河之西
主候水澤不見災積薪一星在積水東備庖厨之
用明則人主康火守旱水府四星水官也占與水位同
闕邱天子双闕諸侯兩觀也軍市十三星西志十星
天軍貿易之市中星衆則軍餘糧野雞一星主變

怪 狼一星為野將主殺掠搖動兵起移處人相食
色宜黃白忌黑赤 弧矢九星天弓也弦滿天下兵
起常東矢以向狼 犬人二星主壽考 子星二
孫星二皆列犬人側不見災 老人一星一名兩極
見則治平壽昌 鬼四星天目也主觀察奸謀為日
月五星之中道東北星主積焉東南星主積兵西南
星主積布帛西北星主積金玉明大則穀成
積尸氣一星主祀祠暗吉明凶 燿四星主烽

火備警急天狗七星主守財移徙則兵起 天社
六星在狐矢南至平水土明則吉 天紀一星在
外厨南主禽獸金火守禽獸多厄

氣候

邑屬蘭郡古雍州地春暖恒遲秋涼偏早百穀草本
之耕獲榮枯多於月令不符主春後即治糞土修來
耜將有事於田疇大暑時東北登麥西南至立秋猶
有未熟者立冬後野無遺耒塲功即起終歲勤苦尤

患霜雹霜損於四月殺青苗隕於七月殺秋稼惟三
冬寒甚且多雪乃免此患麥將黃而雨則秋菴已種
而雨則薄俗謂正月二十五日風夏成五月二十六
日雨秋稔隼日雌甲子雨必潦四月初一二日雨麥
有黃青農夫占驗類如此云

輿地志

渭源為古雍州之城在省南三百三十里東北有七
聖西有鳥鼠南谷北有鳳凰蒸餅南有五竹青雀露
骨險隘未易指數深林邃谷陰晴變幻甘南之輿區
也抑聞諸孟子曰天時不如地利地利不如人和良
有司慎固封守宜何所擇焉志輿地第二

輿地沿革表

世代

縣名沿革

所屬沿革

秦

屬隴西郡

漢

首陽縣

屬隴西郡

三國

首陽縣

晉

首陽縣

南北朝

渭源縣西魏改置

兼置渭源郡尋廢

隋

渭源縣

屬隴西郡

唐

渭源縣

屬渭州廣德中入吐蕃廢

五代

入吐蕃

宋	熙寧五年置渭源堡	屬熙州
金	渭源堡	屬臨洮府
元	渭源縣至元十三年復縣	屬臨洮府
明	渭源縣	屬臨洮府
清	渭源縣	乾隆三年屬蘭州府
民國	渭源縣	屬蘭山道

按渭源在春秋戰國時皆屬西羌至秦分天下為三十六郡始屬隴西郡漢置首陽縣後漢晉魏因之後魏大統

十七年始改渭源縣屬隴西郡唐高宗上元二年
復名首陽縣別置渭源縣儀鳳三年改首陽入渭
源縣屬渭州廣德中陷於吐番宋熙寧五年始收
復置渭源堡屬熙州舍屬臨洮府元至元十三年
升堡為縣屬臨洮府明洪武三年都督馮勝平定
陝西大軍至主簿侯士林率眾歸附仍隸臨洮府
名渭源縣編里六後併四嘉靖三十七年以四里
民寡地狹割狄道二里附渭源曰南川曰渭竹復

為六里詳疆域清乾隆三年屬蘭州府民國廢府屬蘭山道

疆域道里附

東西縱道一百三十五里南北橫道一百八十里西北過狄道至蘭州三百三十里東至十五里歙家鋪又東隴西九十里達秦州四百里南至六十里牛嶺子西至洮河沿一百二十里北至紅堡子一百二十里達平涼六百七十里正東至隴西以

欽家埠十五里為界東南至毛家坡四十里為界
西至狄道三十里以慶坪為界北至紅堡子一百
二十里為界入定西西北至連兒灣八十里為界
南至牛嶺子六十里為界西南至洮河沿一百二
十里為界入狄道

里社

五竹里 慶平里 欽家里 馬連里 渭竹里
南川里

墩堡

慶平堡 欽家堡 五竹堡 史家堡 王家堡

馬家堡 懷安堡 熊建堡 七聖山墩 廟坡山

墩 分水嶺墩 白土坡墩 乾溝嶺墩

坊

承宣坊 世科坊 進士張文泰 奪錦坊 舉人張善亞 鄉坊 少鄉張安

折桂坊 登雲坊 舉人張朋

鄉鎮

欽家埠在縣東十五里為狄隴孔道

欽峪集在縣東南二十五里與隴西連界

五竹鎮在縣治南鄉三十里據清源河之上流人民

百餘家多農業商務不講街市蕭條昔有上下兩堡

同治亂復王藩台安集百姓時所築現毀為民房然

頽垣敗塹猶有存者街口有財神樓一光緒二十八

年溫守謙監修龍王廟一光緒十六年武舉李錦標

監修

溫家川鎮在縣南三十里有街市零星商店只三五家
官堡鎮在縣南七十里街衝洞達閭閻且千人民繁
庶商業發達文化亦最進步為渭源之勝區

慶坪鎮在縣三十里為鞏秦狄河之衝衢民戶不滿
百家旅店居多數

蒙兒里在縣西北四十里與姚七里腹皆相連同治
亂後市場變成邱墟至今猶未恢復

北大寨鎮在縣北四十里經劫後商店無多近來日

增繁盛店戶斗戶居多然較之官堡鎮則懸殊焉

山川形勝

志疆域者僉曰襟山帶河豈徒侈壯麗已哉渭雖彈
凡而千峯環擁列嶂重圍南接西傾東連朱圍西迤
鳥鼠北枕鳳凰諸山環峙兩水合流東西二原延袤
數里四時代謝真秀麗焉

鳥鼠山本禹貢鳥鼠同穴之山在縣西迤北而東支
壠甚多考山海經云其陽多金其陰多玉其上多丹

獲相傳鳥名鼯鼠名鼯鼯二物共穴鼠深而鳥淺各
自生育不相侵害按書秦傳謂鳥鼠為同穴支山及
鄴道元謂鳥鼠共為鳩鳩皆誤也按今鳥鼠山距渭
水發源約二三里鳥鼠及金玉皆無見者唐時封君
達隱於此

南谷山在縣西十五里紅土庄渭水發源於此凡三
泉出向東流唐大中三年吐蕃落門將論孔熱遣兵
畧西鄙鄆州將尚婢婢遣拓拔懷光擊破之於南谷

即此

青雀山在縣南三十里

五竹山即青雀之支與露骨山相連山勢蜿蜒松竹
茂美盛夏積雪不消明郭節隱於此號五竹僧銀溝
峪近五竹山內有三峯

平頂山在縣南七十里

露骨山與平頂山相連清源河發源於此向東北流
至欽家鋪合於渭宋王韶開熙河穿露骨為徑通奇

兵於此故道存焉

廟坡山在縣南二里為邑之屏障

七聖山在縣東北三里形勢陡峻

慶平山在縣西三十里

木耳山在縣西南三十里山勢廣漠周圍五六十里

適為畜牧之場改名為牧兒山以畜牧而得名也今存之

分水嶺在縣西七十里水分東西東注於渭西注於洮

鳳凰止在縣北五十里 以形似稱

蒸餅山在縣北五十里 以形似稱

秀峯岩在縣南即五竹山之支

有一大松林林音歸僧同治兵燹後為官山今歸學校

太白山在縣治之南四十里高可百丈四面削壁每

逢天旱禱雨頗應土人立廟於其上

失山在縣治之西北五十里其形如傘其色如霧其

土和泥可以代瓦

浪痘山在縣治之西南四十五里村婦禱子之處

牛頭山即雲盤山之最高峯在六麻口之北相傳蜀
姜維與郭淮陳泰麃兵於此其砦壘濠塹之迹猶隱
約可辨今山左近村莊猶以某旗某寨為名或者然
也

漫平山鳥鼠同穴之別支與狄道東山相連逶迤數
百里漫平最高連洮渭之分水嶺又名超然山又名
朝元山

溫家山在縣治之西北七十里狄道界

以上為山二十

欽峪川在縣南五里

溫家川在縣西南三十里

渭川在縣城南門外衢道秦隴

渭河源出本境之西十五里南谷山向東流經歷菓園莊向塔莊後河堤至書院莊與清源河會

清源河又名南河發源南谷山麓北流經河源莊五竹鎮六麻灘柳家寨朱家堡高家堡繞渭城之南至

書院莊入於禹河始名渭水歷善家泉陳家磨銀家
鋪出界入隴西長凡五十餘里水性陡急不可以灌
溉又淺狹多石不可以行舟惟沿岸水磨相續如貫
珠享其水利者亦復不少支流甚多李蔚華云烏鼠
同穴之西渭水所受者不一水蓋烏鼠以西之水多
北流入洮河入於渭者祇清源河一水而已蔚華所
云即此水也
欽峪河在縣東十里

官堡河在縣西四十里有二水曰大南川源出狄道
双石門山腦馬渡子山下北流五六里與露骨山承
岔眼所出之水相合由黃憲口西折十餘里北出扣
子門經段家磨韓家莊至官堡鎮老石堡下有東來
趙土司屬地白虎口之水入之曰小南川發源太白
山下小乾溝中南來北不二十餘里至馬半坡根折
而西流至官堡燈盞窪山麓與大南川水會合而北
流經尖山口永安橋二十里至麻家廟下高橋有西

來松樹溝之水入之又北流十餘里至嵐觀坪根下
會漫灞河而入於洮馬

品字泉在縣西十五里渭水發源之處

以形似稱亦
名龍王神池

旁有禹

王廟

通濟泉在縣南五里鞏峪川

白馬龍王神池在鳳凰山岩上

忠惠方神池在縣西二十里

金花方神池在縣北五里之楊家山旱患禱雨靈應

素著

以上為川河泉十二

按渭源在終南之陰地潮濕又多雨水不灌田
惟東鄉欽家鋪地乾土燥引水最急要以狃於
習慣永未引水即引水壩口各地主因水繞池
畔阻力橫生前邑侯梅公查戶口到此謂間渠
灌田為此方之先務遂集眾開渠以水灌田民
利賴之梅公去任民忘於勤又年久淤泥充塞

渠口水利不興

閘梁

灞陵橋舊在南城外東頭係前梅軍開泰創造者以木籠裝石不甚堅固每年交秋季河水漲發冲斷數次行人病涉後縣知事馬象乾蒞任見渡口不通籌款改修會集城紳擇城門口以南另築碼頭委徐立朝督工依照蘭州卧橋樣式修築經年始竣自此橋成後民未病涉也

通濟橋在官堡鎮街頭兩邊碼頭大石砌成岸寬大
餘用大木平橫上蓋頂棚工料堅實又免風雨侵蝕
此橋成後車馬便馬

永安橋在官堡尖山西邊碼頭天然成就東邊係人
力造者東西牌樓壯觀每年暴水漲發東渡間或冲
斷此地土著稍緩修築水阻行人數日不能過渡

利濟橋在縣西鄉三十里關山脚下無此橋時每逢
滂年泥濘滿溝深及數尺阻隘車馬行人至二三日

狄道入軍功李耿忠倡捐修築土橋寬丈餘長十餘丈由此車馬來往再免難涉而樂蕩平

渭橋在縣東五里明天啟五年建後廢今有遺址
缺谷河橋在縣東十五里

通順橋在縣西十里

分水嶺閘在縣西十五里分水嶺上自嶺以西之水悉入洮以東之水悉入渭置閘於此為入府孔道州境之襟要也吳鎮聯云三聖憑依雨澤遙生分水嶺

百靈趨走霞光先起救雲坪

慶坪堡在縣西北三十里宋熙寧五年置金改為鎮
府志在州西北有垣牆常繕治之可以避兵狄道圖
說慶坪鎮一名翠若鋪明吳塏翠岩鋪許水繞山迴
一徑通晚秋涼露落丹楓馬頭雁陣衝雲去不寄音
書過嶺東

乞神平堡在縣西南宋熙寧五年王韶擊降蕃部所築

風俗

渭據山壤人直樸力農不逐末作以勤儉相倣士多
坦率尚耕讀厯宦一如寒素

婚姻首先用媒妁訂之如願許字初送酒兩小瓶毛
紅布一對或深藍布一對富者任滋鋪張送物將酒
布酌收即為訂定不下庚帖再訂財禮若干布疋若
干首飾若干極貧之家納采亦須聘金二三十元出
嫁時男家備車馬音樂親友數人女客一人名曰取
女客至女家迎接特雞酒似尚奠雁之禮女家送女

之客曰送女客新人到門花毡鋪地前後繼之名曰串毡達至彩棚當院擇吉方棹上置供木斗銅鏡銅瓶男女同行一跪三叩之禮伴女二人代捧斗入洞房梳粧行至庭前行謝賓禮三日廟見謁姑入厨洗手作羹馮月至娘家歸寧名曰轉對月近日習氣奢侈財禮竟達百元之多赤貧者聘兒一婦酒食禮儀非一二百元不可

喪葬習慣諷經供佛有用道家僧家陰陽家者棺槨

富貴家多用松柏木貧賤家有棺無槨絕用楊木葬
先書神主留神有引者題引留神子孫重服者麻冠
斬衣服輕者白布衣帽親友送喪執紼者亦皆白布
衣帽貧家只戴白布孝帽坟高起土堆如馬鬣形甕
陰陽家用羅盤定方向葬後子孫遷家廬墓者寥寥
惟服制遵三年礼年滿方始脫服近日風化文明讀
書之家盡請賓行礼多不誦經歸窆點穴必資堪輿家
男二十而冠之礼人民不行已久今成習慣此礼全

革祭祀父母去世週年設酒饌請禮賓行礼祝文以
祭或二年或三年一祭甚至有行十週二十週三十
週祭礼者春社清明覆土坟頂行拜掃礼十月朔日
行鬼節礼又曰送寒衣迹年亦有廬墓百日茹素三
年者風俗之古猶可想見

方言

天地曰田 太陽月 曰月亮 星辰 曰星香 風雲 曰文彩
雷雨露霧雪霜山川河水坡嶺道路 曰套上 溝渠澗

曰溝瀆子崖 麥菽曰豆子 貓曰貓兒 蛇曰長虫 穀稻

藤麻禾稼瓜菜桃李楊柳松柏牛羊騾馬虎豹豺狼

雞犬鵝鴨鴿雀鴉鵲猪狗兔鹿豕龍犀象等字有如

音者有不如音者

高祖母曰太爺曾祖母曰太爺祖母曰爺爺

父母曰鞦韆伯母曰大鞦韆叔母曰爸爸又曰幾鞦韆

兄弟曰哥哥兄弟之妻曰嫂子兄弟之妻曰弟媳婦

人稱兄弟之妻曰妯娌兄弟之子曰侄兒女曰侄女

姊妹曰 姊妹 姊妹 姊妹之夫曰 姐夫 姊妹之夫曰 妹夫

姊妹之子曰 外甥 姑母曰 阿姑 姑丈曰 姑夫

外祖母曰 外外爺 舅母曰 舅舅 岳祖母曰 妻爺

岳母曰 姨夫 又曰 丈人 岳父之兄弟曰 姨夫 岳祖母曰 姨夫

內兄弟曰 室兄哥 妻姊妹曰 大姨子 兒曰 兒子 又曰 小舅子 小姨子

我們後人 女未嫁曰 女子出嫁曰 誰家 又曰 親戚

哇 夫稱婦曰 家裡人 又曰 我們婦人 婦稱夫曰

掌柜的 又曰 我們男人 飲食曰 吃飯 喝湯 飲茶酒

曰喝茶酒 人問話答應曰哈的來 不答應曰得尺

套 歡樂曰高興 禮物曰禮當 可曰對 又曰

幫肩 不可曰不對 門毆曰打槌 着箇曰致哥

伽 那箇曰務哥伽 彼此處曰務致大大 又曰務忙

起訴曰告狀 刁唆曰戳弄 不理事曰不管閒

事 我作事曰我就致哥伽 彼作事曰你咎務哥

伽 殯葬曰送喪 娶媳曰過喜事 老年曰老汗

老嫗曰 老婆子 少年曰小夥子 少婦曰媳

媳婦取物曰罕上訂親曰說媳婦兒裏與物
曰過過我曰我們又曰岑們咱們看曰瞧下
極驚恐曰哎嚶荅卦嚶與人言曰我過你說又曰
我斬過你說裏甚事白是麼的以上係城鄉方
言其餘多如字再未述

物產

一穀類

大麥小麥青穗莠麥豌豆扁豆大豆胡麻蕎麥穀

子黃蘗青蘗高粱燕麥大麻小麻

一 菜蔬類

韭菜白蘿蔔蒜苗子白菜白笋青笋刀豆芹菜葱
蒜葫蘿蔔蓮花菜茄蓮黃瓜番瓜葫蘆瓜苜蓿芥
菜蔓菁蕨菜車前菜

花木類

牡丹芍藥鹿春葵花紅貢利梅珍珠山丹石竹玉
簪鳳仙海棠春桃杏李梨秋子櫻桃花百合花金

絲蓮菊花 林檎白果松柏椿竹榆柳青楊白楊

一藥材類

貝母党參甘草黃芪當歸大黃麻黃荊芥薄荷車
前柴胡防風款冬花地骨皮杏仁芒硝石膏紫蘇

以上所產各類因地高寒出產無多惟當歸最盛
一禽獸類

鷄鵝鴨雁鷹鵲烏鳩布穀鵲雀鳥鴉野雉鶉鴿沙
雞鴟鴞百靈牛馬馱騾犬羊豕貓鹿狼狐兔黃鼠

麝香子

古蹟

渭源八景

鳥鼠幽寄 即鳥鼠山

龍湫靈異 即品字泉

渭川東注 即渭川

歛峪南橫 即南谷山

五竹積雪 即五竹寺

七聖陰雨 即七聖山

慶坪夜月 即慶平山

分水春濤 即分水嶺

秦皇長城 在縣北十里

馬起城 在縣北三里

王韶三堡

一在縣北關一在縣西慶平鎮一在縣東隴西境內皆王韶擊降蕃部所築

首陽故城

首陽為夷齊遁迹之區舊城在縣東北漢置舊唐書渭源漢首陽地西魏改首陽為渭源唐上元二年復改為首陽仍於渭源故城分置渭源縣後廢首陽併入渭源縣今書陽屬隴西境名人題詠甚多間錄一二載藝文

渭源故城

在縣東北與今城相連址存

白骨塔

清同治初年回匪倡亂渭源城陷慘殺人氏數萬收骸骨而埋之一處名為白骨塔維時洮岷一帶遭屠戮者尤眾有建塔藏骸詩即王朗清臨洮八政詩之一也詩載

藝文篇末

義園

在縣城北郭外清光緒三年邑侯梅樹南置歸賢善局經營

論曰蹟以人傳苟非其人則南園鈴山銅雀之台
偃月之堂祇增人唾耳若其豐功偉烈昭昭百世
之上或高人逸士洒賦琴歌之所經斷碣殘碑使
八摩挲不忍釋手又或空山無人蔓草荒煙杳不
知遺蹟之何在四顧蒼茫髣髴乎過之噫斯其所
以為古也

君在江沙里
卷二

十一

建置志

古諸侯建邦啟土凡經營創制必為久遠之計然而時異代更則變遷廢墜所不免焉渭源為甘南出入孔道高壘深溝以固吾圉非細故也貢賦戶口盛衰所關非淺鮮也若夫官師有暑積儲有地郵傳有方懋遷有所以及恤孤濟貧諸制俱粲然可觀次第書之用彰規造之詳備異後于百年使存者不廢廢者復與非皆守土者之責乎志建置第三

城池

按府志先代不可考惟有首陽城在縣五十里今屬隴西界城創於宋九間為縣即今縣治在舊墟西周圍二里高一丈五尺南北門二曰清源曰渭川敵樓十六有樓櫓嘉靖十八年縣令楊侯璉增築厯百餘年規模舊址半僵骨立康熙丙寅年奉旨修理縣今張鴻斌捐俸重建清源樓一座北門鐘樓一座塼樓城垣較前略備同治回亂二樓焚燬塼垣頽敗宣

統三年邑侯陳鴻寶督率紳耆重修週圍四百六十
四丈城堞雉四百八十七個炮台房十二座城路加
寬四尺續增城樓二座工堅料實更為壯麗撰有碑
記載藝文

公署

縣署明洪武四年創自李侯保童成化十三年曹侯璟
修葺正德六年段侯威武童建迺世遠年深棟折梁
摧兼兵燹相因止遺堂地三楹其內外堂簷鞠為茂

草至康熙癸亥張今宏斌捐俸創修重建正堂五楹
捲棚三廈戒亭一座儀門三間並獄三間大門三間
左為旌善亭右為申明亭縣治一新焉有碑記載藝
文署在城之中街後北隅遭同治回亂灰燼無餘另
在西街民地權便修十數間矮屋雖有大堂二堂之
名大不稱焉民國七年黎縣長補修磚砌頭門稍壯
觀焉計二堂內正房三間西北角廂房各一間南客
房花廳三間大堂連宜門三間前院科房南五間北

五間洋式頭門一座後院正房三間左首廂房二間
辦公室四間左院廚房三間馬棚四間亦苟完矣
論曰傳云叔孫所館者雖一日必葺其墻屋去之
如始至嗟乎此可以見叔孫之心矣縣署為臨民
所苟傳舍之不如惡知其心於民焉否也渭僻邑
耳巋然者疊經遷移規模雖狹頭門高宏而大堂
二堂花廳無缺焉坐堂皇之上孰不惕心志聳觀
聽眷眷於國計民生乎

學署在縣治東洪武四年建歷來繕修不一自逆變後傾圮通半康熙時知縣張宏斌訓導張淑孔率閭邑紳衿重建規模較前倍廣同治亂後屢燬屢修民國學官取銷因將學署變賣民間歸學校經費城守營經制早廢因將營地房舍變賣民間歸學校經費典獄官公署上房三間東西廂房六間頭門一座設在女子學堂西邊監獄在近日縣署之東北角係前典史徐楊義昌稟請重修內分男女監隔兩院

房屋整齊柵欄完備習藝所八間待質所八間

田賦

田賦舊制固同治兵燹舊制無從查考

現徵銀糧規則川地每畝銀二分七厘六毫四絲八忽二微七纖

糧八勺二分抄零二圭

中地每畝銀二分三厘四毫七絲三

忽四微

糧伍勺九抄四四

山地每畝銀乙分零四三

糧四勺三五六

原額民地三千零五十七頃五十四畝四三

屯地五百二十五頃九十八畝二

二共民屯地三千五百八十三頃五十二畝八六

原額民屯銀四千四百六十三兩六錢二分一

原額民屯糧三千四百八十一石四斗零二八

草乙千二百五十七束六現在全荒

現墾熟地四十三百四十一頃七十一畝九

現熟地內應徵銀四十九百八十四兩二分六六

隨徵一五耗羨銀七百四十七兩六四

現熟地內應徵糧一百乙十二石四一六八

耗羨糧三十一石八斗六二五
上二股現在奉文全
行折徵

現荒未徵糧三千二百六十八石九八六

耗羨銀四百九十石零三斗四升七九

每地丁銀一兩隨收額錢六十文每串票一張收

票錢七文

每糧一石收票錢一百文
二三股現奉文批解

稅課

原額磨課銀八兩八錢五分三現在改徵洋三百四十六九

原額水磨七十四盤現有雙輪水磨五盤單輪水磨二百二十一盤立輪水磨四十一盤

每磨一盤票一張收錢五十文現在全解

原額牙帖銀十三兩九錢七現在政徵洋二十四元

新章畜稅銀一百兩

原額當稅銀八十五兩現在全荒

原額土鹽稅銀六兩四錢四分二現荒

原額課程銀十八兩零五分七現荒

原額地稅銀十八兩現荒

原額朝覲銀四兩七錢五分六現荒

原額學租銀二兩八錢內除老荒銀九錢外現在實
荒銀一兩九錢

原額學租糧十三石四斗八內除老荒糧九石五斗
外現在實荒糧三石九斗八

原捐市斗社糧一百五十三石三斗五升內除城防
動用市斗糧十一石二斗一升外現在實儲社糧市
斗一百四十二石一斗四升

原設統捐局收百貨統捐銀四百三十八兩六

錢八厘現改為徵收局比較增減無定數

俸費

額設知事一員民國定章全年公費洋二千五百二

十元全年俸洋二千八百八十元

近年七折八扣二共洋不過四十九左右

管獄員一員全年俸洋二百八十元

戶口

渭源縣六千九百七十六戶

男大七十四百六十七丁小一萬七百五十九丁

女大五千七百二十一口小八千一百一十九口
光緒三十四年清查一次

論曰渭邑毘道洮狄在昔客戶僑寓流品雜遝又
鮮大族澗阿山椒矛舍零星保無有不執者乎清
同治初疊遭回變摻括財物慘殺人命動輒數萬
言之髮指惟望嚴查核勤訓練間係誠非淺少官
民甚勿視為具文也

恤政

寶善局 在縣治北 養濟院 在縣治西 漏澤園 在縣北一里

蠲恤

原額戶口人丁三門九則不等共折下下丁九千四百五十七丁內除優免下下丁三百八十四丁實行差下下丁九千七十三丁內於順治七年總督喬芳具題奉旨豁免過逝亡丁並康熙十四年巡撫題免過逆變殺傷亡丁共七千二百八丁內各年新增招回並編審出頂補十四年逆變殺傷亡丁共下下

二百九十六丁尚有逃亡無補下下丁共六千九百一十二丁寔在下下丁二千一百六十一丁該征銀四百五十三兩六錢五分二厘六毫六絲三忽三微四纖停免丁無康熙十六年春夏大旱斗粟十錢逃亡者動輒數百流離載道賴皇上發帑金大賑全活者數萬有餘光緒二十九年夏被雹災蒙督憲具奏奉旨蠲恤丁銀六千兩四錢八分八厘被災羣黎得沾恩澤俾未流離失所光緒三十年十月二十六

日恭逢 慈禧皇太后七旬萬壽聖節恩賞內帑銀
六十四兩二錢五分五厘知縣移分樹南傳集邑中
鰥寡孤獨各覺民恭設香案於縣治北慶祝官敬謹
行礼點名發給

謹案光緒二十九年六月南鄉陳家嘴灘河沿等
數十庄禾稼被雹災傷損淨盡經梅縣主在東北
西三鄉募捐糧石以盈劑虛方免流離失所

倉儲

常平倉五間共儲各項京斗糧二千一石三升三合
七勺

按昔年立有義倉每歲春放秋收接濟貧民籽種
並設有義站號馬由丁糧代征以供夫馬之需餘
者存驛倉累年積儲甚多因郵政興辦驛站撤銷
將餘存驛糧變賣歸公民國成立軍事繁興並將
義倉糧全行變價接濟軍餉近來荒旱民多嗟怨
驛遞現收為郵政

慶坪驛原額馬一十匹夫八名

每年由地丁項下留支各項銀三百八十三兩六錢

原額鋪司二十一名內後河堤在城鋪鋪司五名

翠岩鋪鋪司四名慶坪鋪鋪司四名

關山頂分水嶺鋪鋪司四名缺家鋪鋪司四名

每年坐支工食銀六十八兩三錢四分民國元年撤

茶馬無

渭邑山高地涼亘古至今而茶馬不出實由氣候土



宜使然故無此條

實業

一 農業多盡力五穀其他東南鄉一帶多種常歸近
來入款甚多

一 工業則以羊毛織褐氈毯口袋編帽編襪織毛連
做衣褲嚴寒時貧甚利賴之惟所出無多只可供
境內之用

一 商業城鄉各鎮只小販零售並無富商大賈轉京

津滬漢洋廣川陝各貨而在商戰場競爭者
一礦業雖屢請礦師採探惜無礦苗故煤炭絕少全
用柴草近來生活程度日高炊爨維難皆由此也

祠祀志 典禮附

古者先成民而後致力於神田賦既定祠祀其大者
矣民以食為天有土然後有食故首社稷農壇次重
文廟武廟以及諸神祠蓋文教之興風化之著皆地
方所最宜留意者而於文廟尤加詳焉間遇名賢忠
孝節義祠宇雖廢必書將以發揚幽光風厲來哲也
至若寺觀不在祀典相承既久仿通志例附列篇末
苟有靈爽能警動禍福捍禦災患為民所歸奉者亦

祭法之所不廢也志祠祀第四

壇廟

社稷壇在城南一里許今廢

風雲雷雨壇在縣東南一里

先農壇吉亥祭祀行耕籍禮在縣東郊驟子道今廢

厲壇在縣北一里

蚩蚩廟在教場南角

文廟

昔司馬遷適魯觀夫子廟堂車服禮器諸生以時習禮其家祗徊不能去今彬彬乎杏壇闕里徧天下矣縣治之北官墻巍煥新建更張之迹燦然可指其典禮薦紳大夫猶能詳之渭源有公由以伍儒學清俸俾得宣其鐸聲今民國裁教職廣設學校教養兼施於戲士可以奮然興已

文廟在縣治北明洪武四年建燬於同治三年回匪之亂光緒二十八年知縣寶金聲倡捐仍舊址興修

東西廡戟門櫺星門台墀甫道亦皆重起煥然一新
崇聖祠居後

明倫堂五楹壁間御製臥碑左博文齋右約禮齋祭
品庫書庫敬一亭

大成殿正中

至聖先師孔子

大成殿四配

東復聖顏子

述聖子忠子

西宗聖曾子 亞聖孟子

大成殿十二哲

東 閔子騫 冉子雍 端木子賜 仲子由

卜子商 有子若

西 冉子耕 宰子予 冉子求 言子偃

顓孫子師 朱子熹

東 廡先賢

遠 瑗 澹台滅明 原憲 南宮适 商瞿 冉孺

漆雕開 司馬耕 梁鱣 伯虔 冉季 漆雕徒父

漆雕哆 公西赤 任不齊 公良孺 公肩定

鄔單 宰文黑 榮旂 左人郢 鄭國 原亢

廉潔 叔仲會 公西與如 郢異 陳亢 琴張

步叔乘 秦非 顏噲 顏何 縣亶 公明儀

樂正克 萬章 周敦頤 程顥 郟雍

西廡先賢

林放 宓不齊 公冶長 公哲哀 高柴 樊須

商澤 巫馬施 顏辛 曹邨 公孫龍 秦商

顏高 壤駟赤 石作蜀 公夏首 后處 秦穆

公孫僑 奚容蒧 顏祖 句井疆 縣成 燕伋

公孫句茲 樂欬 狄黑 孔忠 公西歲 申振

顏之僕 施之常 左邱明 秦冉 牧皮 程頤

公都子 公孫丑 張載

東廡先儒

公羊高 伏勝 毛亨 孔安國 后蒼 鄭康成

許慎 范甯 陸贄 范仲庵 歐陽修 司馬光

謝良佐 游酢 羅從彥 李綱 張栻 陸九淵

陳淳 真德秀 何基 文天祥 趙復 金履祥

劉因 陳澧 方孝孺 薛瑄 胡居仁 羅欽順

呂楫 劉宗周 孫奇逢 黃宗羲 張履祥

王夫之 陸隴其 張伯行

西廡先孺

穀梁赤 高堂生 董仲舒 劉德 毛萇 趙岐

杜子春

諸葛亮

王通

韓愈

胡瑗

韓琦

楊時

呂大臨

尹焞

胡安國

李侗

呂祖謙

袁燮

黃幹

輔廣

蔡沈

魏了翁

王柏

陸秀夫

許衡

吳澄

許謙

曹端

陳獻章

蔡清

王守仁

呂坤

黃道周

陸世儀

湯斌

顧炎武

崇聖祠正中

肇聖王木金父

裕聖王祈父

詒聖王防叔

昌聖王伯夏

啟聖王叔梁紇

崇聖祠配享先賢

東孔氏孟皮

顏氏無繇

孔氏鯉

西曾氏點

孟孫氏激

崇聖祠從祀先儒

東周氏輔成

程氏珦

蔡氏元定

西張氏迪

朱氏松

名宦祠

清 知縣張大榕

知縣長 齡

訓導劉榮基

典史竇樹槐

鄉賢祠

清 舉人康錫嘏

武生康應龍

增生楊際春

貢生康承秦

武廟在縣治東

馬王廟在縣治北

關字營營帶
程文勝創建

文昌廟在縣治北

龍王廟一在縣治西

一在縣東
十五里欽塔川

城隍廟在縣治北

龍神祠在縣城南清源河灘

禹王廟在縣西十五里碑記載藝文

雷祖廟一在縣南十五里歛瑤川一在縣東十五里

奎星閣向在老子廟前近移修山左邑者勒捐重建

老年廟旁有百子宮曹廟前自白衣菩薩對坐藥

者頗多亦有效驗王華院孫真人神前供自萬等人民求藥方

清聖祠在城南廟坡山邑紳勸捐興修碑記載藝文

關岳廟民國十三年邑紳耆勸捐興修序載藝文

河神祠清先緒七年邑侯張壽熹倡修隨離任

農官尚文海督工以歲事焉有左文襄題南谷源

長四字額

瘟大祠在北關年久頽壞邑人將軍張兆鉀重修
藥王廟在北關邑人將軍張兆鉀建

金花娘娘廟在北關人民祈雨最靈

渭源北鄉大寨鎮廟宇

白馬文王廟 鎮內

馬王廟 混元閣 好坊廟 蚩蚺廟 藥王樓

老君洞 娘娘殿

以上俱在鎮東老君山兵燹焚燬舊址猶存

文昌廟 關帝廟 在鎮南外

關帝樓 鎮西 藥王樓 鎮西 三星樓 在鎮西外

荀氏娘娘廟 花藍寺 距鎮二十里

白馬大王行宮 在楊家川距鎮十里

白馬大王老廟 在白土坡石斜口

白馬大王池洞 在白馬大王成聖之所距鎮二十里

以上經兵燹焚燬舊址存

珠璣娘娘廟 距鎮五里在暖陽口董家崖灣

靖國娘娘廟 距鎮五里

金龍天王廟 在馬連川

水草大王廟 在邛家坪距鎮二十里

典禮

祭先農壇禮
社稷

每歲仲春奉御頒之期定於亥日巳時致祭

先農牛時行耕藉禮祭日正官率各官朝衣至拜位

儀注通唱主祭官就位陪祭官就位執事者各司其事
事瘞毛血迎神行三跪九叩禮行初獻禮引唱詣盥
洗所淨中詣供爵所司爵者捧爵詣供帛所司帛者
捧帛詣神位前跪進帛獻帛進爵獻爵讀祝文叩首
興復位亞獻不進帛餘如初獻儀終獻同上儀通唱
行飲福受胙禮引唱詣引飲福受胙位跪通唱衆官
皆跪引唱飲福酒受福胙叩首興復位通唱徹饌謝
胙跪行三跪九叩禮興通唱司祝文者捧祝文司帛

爵者捧帛爵詣焚化所引唱詣望燎位望燎復位通
禮畢各官更蟒衣行耕藉禮

祭品

帛一羊一豕一鉶一邊四豆四簋二簋二爵三

耕藉儀

正叩官秉耒佐貳官執青箱播種各官俱用右手扶
犁左手執鞭各行九推禮農夫終畝耕畢各官更朝
衣望

闕恭行三跪九叩禮仍將遵行耕藉日期具報

耕藉器具

農具一用赤色牛二隻用黑色籽種箱一用青色

按耕籍典奉粢盛也致稷祀勸農功洽百禮光邦家
典禮之大莫重於是故以冠首而下以類相次焉

文廟典禮

每歲春秋仲月上丁日致祭先期縣官率僚屬赴廟
階下行一跪三叩禮教官滌器省牲獻毛血是夕東

燭陳祭器務整潔黎明各官衣朝衣行禮

崇聖祠祭器

帛五羊一豕一釧一簋二簋二籩八豆八罇二白銅爵各三

大成殿祭器

帛一牛一羊一豕一登一釧一簋二簋二籩十豆十罇一白銅爵三

四配祭器

帛四羊一豕一鉶一簠一簋一盥一盥八豆八罇一白銅爵十二

東西哲祭品

帛各一羊豕各一鉶各一簠各一簋各四盥各四豆各四罇各一白銅爵各二

東西廡祭品

帛東西各一羊東西各三豕東西各三簠各三盥各三罇各四豆各四罇各一白銅爵各三

名宦二祠祭品同兩廡

儀注

主祭官分獻陪祭官各從兩旁門入文東武西序立
執事者各司其事主祭官就位啟戶瘞毛血迎神舉
神樂奏咸平之章樂作盥洗詣香案前跪上香行三
叩首禮興復位樂止行奠帛初獻禮舉初獻樂奏寧
平之章樂作誥供帛爵所司帛爵者捧帛爵引主祭
官由東階上進殿左門詣

至聖先師孔子神位前跪進帛司帛者捧帛奠帛祭主

跪進主祭官

官接拱進爵司爵考捧爵獻爵主祭官接爵撰叩首

興詣讀祝位跪讀祝文通唱眾官皆跪樂止

讀祝者至祝案前捧祝板跪於案樂作引叩首興祭主

官與各詣官俱興

復聖顏子神位前引主祭官跪進帛奠帛進爵獻爵

悉如叩首興詣前儀

宗聖曾子神位前悉如前儀畢通行分獻禮分十二哲兩庶

前儀行詣

述聖子思神位前前儀如畢詣

亞聖孟子神位前儀如前復位主祭官分獻官皆後拜

樂止通行亞獻禮舉亞獻樂奏太平之章樂作志如初

儀不進樂正通行終獻禮舉終獻樂奏景平之章樂

作如亞獻復位主祭官分獻官皆樂正通行飲福受

胙禮引詣飲福受胙位主祭官跪通衆官皆跪引飲

福酒仍受接爵者受福胙主祭官受胙拱舉主祭官受胙拱叩首

禮記卷之六 祭義 第六 禮記卷之六 祭義 第六 禮記卷之六 祭義 第六

興復位引主祭官復通唱謝胙跪行一跪三叩禮興

徹饌舉徹饌樂奏咸平之章徹樂止辭神舉辭神樂

奏咸平之章樂作跪行三跪九叩禮興司稅香者捧

祝司帛者捧帛各詣燎所捧祝者在帛前舉望燎樂

與辭神樂作引詣望燎位引主祭官至望燎焚祝化

帛祝帛焚訖揖復位樂止通闔戶禮畢退

樂章合上聲四上聲上平聲尺平聲工去聲六去聲

迎神樂 咸平之章 無舞

大四太哉工南

至尺林聖上仲道四太德上仲尊尺林崇上仲維工南持尺林王上仲化四太

斯尺林民上仲是合黃宗四太典合黃祀四太有上仲常尺林精工南純尺林

並四太隆上仲神六黃其工南來尺林格上仲於尺林昭上仲聖合黃容四太

初獻樂 寧平之章 有舞

自四太生上仲民尺林來上仲誰四太底合黃其上仲威四太惟工南師尺林

神上仲明四太度合黃越上仲前上仲聖四太棗上仲帛四太具上仲成尺林

禮合黃容四太斯尺林稱上仲黍上仲稷工南非六黃馨尺林維工南神尺林

之上仲聽四太

亞獻樂 安平之章 有舞

大四太哉上仲聖合黃師四太實工南天尺林生上仲德四太作上仲樂四太

以上仲崇尺林時上仲祀四太無尺林歎上仲清六黃酷工南惟上仲馨上仲

嘉尺林牲上仲孔合黃碩四太蔣四太羞工南神六黃明尺林度工南幾尺林

昭上仲格四太

終獻樂 景平之章 有舞

百上仲王工南宗尺林師上仲生尺林民上仲物四太軌合黃瞻六黃之工南

洋尺林洋上坤神尺林其坤竈四太止合黃酌四太彼合黃金尺林巽上坤

惟上南清尺林且四太旨上坤登上坤獻四太惟尺林三上坤於六噶工南

成尺林禮上坤

徹饌樂 咸平之章 無舞

犧上坤家四太在上坤前尺林豆四太遷上坤在合黃列四太以四太享工南

以尺林荐上坤既上坤芬尺林既四太潔上坤礼合黃成四太樂上坤備四太

人上南和尺林神上坤悅四太祭合黃則四太受上坤福尺林率合黃遵工南

無尺林越上坤

辭神樂 咸平之章 望燎同 無舞

有太嚴南學尺林宮上仲四合黃方四太來上仲崇四太恪六黃恭上南

祀尺林事上仲威工南儀尺林雍上仲雍四太歆上仲茲尺林惟工南馨尺南

神上仲馭四太遠尺林復上仲明六黃禋工南賁尺林畢上仲咸工南膺尺林

百上仲福四太

樂器 麾 金鐘 玉磬 鼓 搏拊 祝 歌

琴 瑟 排簫 笙 簫 笛 壎 篪

舞譜

初獻

自稍前向外開生踏向裏民合平蹲朝來起拜身向

面朝上誰西兩兩相相對蹲東底合平蹲朝上其正威平起

身出左惟東西兩兩相對自下而上師稍前舞舉籥神班中

手立東向西立推兩中班十二明舉翟三度前向外

人轉身俱東西相向西立退步聖回身再謙退步側

越踏向裏前向合手謙退步高舉向西

白上采正蹲帛稍舞躬挽手側身向外呈具揖正成辭

身晚手復舉禮東西兩相對交籥兩班俱客揖斯退挽

籥正立

手舉籥向外
稱回身
參稍前
綴正蹲
非左右垂手
百朝上
正立
舞稍前
朝上
班上下俱
手垂東西

相向
馨走合手相
惟左右側身垂手向外
神側
手垂東西
馨走合手相
惟左右側身垂手向外
神側

垂手舞
向裏
之朝上
聽躬而受之躬身
朝拱籥

亞獻

大左
右進步
向外
哉左
向裏垂
聖向外
落籥
面朝上

師退
向正
實正蹲
天起
身向前
轉生
向裏
德合
手謙

前
雙手合
作兩兩相對
自下而上
兩班
樂上下俱垂

班
上下
十二人俱垂手
以轉身
東西
崇上下以翟相籥

轉身
東
西
相向
立
相籥

	時	稍前舞	踏兩班	上下	祀	向裏垂手舞	無合手謙進
	手	合籥	數	回身再謙	兩班上下	清	稍前舞向外
	舞	惟	開籥	程	朝上	嘉	側身垂左手
	向外舞	牲	躬身正	孔	之一鼓而起	躬身面受	碩躬身
	躬身朝上	拱籥	荐	一叩頭	舉右手	羞	舉左手
	明	拜一鼓	畢即起	躬身	度	三舞	踏舉籥
	躬身舞	昭	舉籥復	向左躬	格	拱籥	躬身而
終獻	身舞	身舞	身舞	身舞	受之	受之	幾舉籥
							向在

百 向外開籥舞 王 向裏開籥舞 宗 側身向外 師 朝上

生 兩班上下 兩兩相 民 合手朝上 正 躡 物 側身向裏

執 合籥朝上 瞻 舞 向外開籥 之 向裏門籥舞 洋 開籥朝

洋 合神舞 向外開籥 其 舞 向裏開籥 寧 進步向前 雙手 止

相 向身東西 酌 舞 向外開籥 彼 舞 向裏開籥 金 開籥朝上 正

罍 合籥朝上 惟 舞 向外垂手 清 舞 向裏垂手 且 朝上 正 揖

旨 躬身而受之 登 躬身向左 獻 躬身向右 惟 躬身復

籥 三 合籥朝上 拜 一 鼓 於 側身向外 嘻 側身向裏 垂

成朝上拱禮躬身朝南堂之

舞器節羽籥

樂舞生九十一名禮生二十八名糾儀官一員

武廟

儀注悉如文廟

每歲春秋仲月及五月十三日致祭

三聖宮

光昭王

裕昌王

成忠王

祭品

帛三豕三羊三籩八豆八爵各三

正殿

關聖帝君

祭品

帛一牛一羊一豕一籩十豆十爵三

文昌廟
儀注與
武廟同

每歲仲春以二月初三 聖誕之期為定例仲秋欽
天監月擇吉日頒行致祭

後殿

文昌帝君三代

祭品

帛一疋一羊一豕八豆八爵三

正殿

文昌帝君

祭品

帛一牛一羊一豕一鬮一籩豆各十爵三

社稷壇祭品

帛二黑羊一豕一鬮一籩二簋二鬯四豆四白銅爵
各三

儀注同先農壇

北壇祭品

帛各一共七帛豕一羊一鬮豆各四白銅爵各三衣

蟒服行二跪六叩禮

厲壇祭品

羊一豕一米湯黎飯

鄉飲酒禮

每於前一日執事者於明倫堂依圖陳設坐次司正率執事者習禮至日黎明執事者宰牲具饌主席及僚屬司正詣學遣人速賓饌以上比至執事者先報曰賓至主席率僚屬出迎於庠門外揖入主東賓西

三揖三讓而後升堂東西相向立贊兩拜賓坐執事者又報曰饌至主席又率僚屬出揖讓升堂拜坐如前儀賓僕介既就位執事者唱司正揚觶執事者引司正由西階升堂中北向立唱賓僕以下皆立唱揖司正揖賓僕以下皆揖執事者以觶酌酒授司正司正舉酒曰恭維

朝廷率由舊章敦崇禮教舉行鄉飲凡我長幼各相勸勉為臣盡忠為子盡孝長幼有序兄弟第恭內睦

宗族外和鄉里無或廢墜以泰所坐讀畢執事者唱
揖司正揖賓僕以下皆揖司正復位賓僕以下皆坐
唱讀律合執事者舉律合案於堂之中讀者詣案前
北面立賓僕以下皆立行揖禮讀曰大誥鄉飲酒禮
序長幼崇賢良別奸頑其坐席間年高德邵者居上
高年溘篤者次之以次序庶而列其有違條犯法者
不許干與良善之序違者罪以達制敢有誰譁失禮
者揚解者以禮貢之讀畢復住唱供饌案執事者舉

饌案至賓前次僕次介次主各以次舉訖唱賓主起
席北西立執事者酌酒以授主主受爵諸賓位置於
席稍退贊兩拜賓荅拜訖復獻僕禮亦如之畢主復
位贊唱賓酬酒賓起席僕從之執事者酌酒授賓賓
詣主前置於席再拜訖各就坐執事者分左右立介
三賓衆賓以下以次酌酒於席訖贊唱飲酒或三行
或五行供湯唱斟酒飲酒供湯三巡畢唱徹饌徹訖
唱賓僕以下皆行礼僕主僚屬居東賓介三賓衆賓

居西贊兩拜訖唱送賓以次不堂分東西行仍三揖
出庠門退

寺觀

萬壽寺

在縣治西

青瓦寺

在縣北十里

馬藏寺

在縣西十里

秀峰岩寺

在五竹山

高石岩寺

麻藏寺在烏鼠山之麓明時蘇家嘴有蘇利麻兄弟
遊京師為皇宮治病脉理通神勅封法王回鄉成化
十年建麻藏寺雲構藻飾如王府後砌兩塔葬之命

之白塔在二塔即其塚也寺燬於兵燹其廢址猶存
清涼寺在毛牛溝山巔相傳未設渭源縣時兆陽縣
宿此催收丁糧後改為寺更名清涼猶清糧之意其
說無從考徵寺燬於回亂民國二年復建菩薩閣帝
三霄等殿

三家寺在五竹鎮南河之南建於明成化間同治時
焚燬今建齋房三椽餘則空壤耳

石佛寺在蘇家口之腰燬於同治回變宣統間復修

之有石鑿釋加二高約四五尺一殘缺一完全古物時
寫林寺在柳家寨建於明代燬於清之回變光緒年
間修一院塑三大古佛像

鹿鳴寺在南谷山麓不知創於何時同治燬於回亂
光緒年間復修之共三院

五竹寺在秀峰山頂其廟貌遷移命名取義見於五
竹寺記

雲盤寺在六麻口之北崖石崖鬼高數十丈鑿巖為

洞排列石壁間赤頗可觀其建修年月見重修雲盤
寺序

腰崖寺在縣南二十三里歛裕川把成營

永慶寺在縣南十五里歛裕集

安兒寺在縣南十五里潘家店

鳳崗寺在縣北大寨鎮剪子岔兵燹焚燬舊址猶在
花藍寺在縣北大寨鎮距城二十里兵燹焚燬舊址

猶存

論曰建道院立禪刹布金求福而鰥寡孤獨疲瘵殘
疾者反各於一文感矣矯其弊者又歛乎之鋤犁方
今正學昌明異端日衰何待窮追哉赫宮梵宇上以
棲高士次亦以養窮民騷人墨客又藉以息遊屐焉
可也其有如陸魯望所記野廟者非妖異亦不盡禁

皋蘭何世榮書

卷之二 詩經 卷之二

三

學校志

古者家有塾党有庠州有序國有學沿及後世郡邑皆置學官士民之繫望風俗之淳澆在焉蓋學校者人材所自出清代沿明舊制增設教職加廣學額造士之區既周且備取士之法益密以精清末裁教職廢科舉改設學校意在敦崇實學教養兼施凡屬士子宜如何束修自好也渭邑兵燹後戶口稀少讀書者寡民國以來學校如林大有進步斯編歷述學制

而以選舉終焉志學校第五

學額廩生二十缺增生二十缺二年一貢歲考取文武生各八名科考取文生八名

學田原額十三石四斗八升除荒外實收租三石九斗八升又租銀原額二兩八錢除荒外實徵銀一兩九錢

渭川書院在北關嘉靖十四年建久已坍塌
社學亦在關外

勸學所長一員所有出入學款均由所長管理每年
牙用收入在二百串左右藉以開支高小校及
國校各職教員之薪金教育會會長一員

城內西街設第一高等小學校梅知事樹南添書樓
三間教室七間頭門七間縣知事馬象乾興修經常
費由勸學所管理牙用項下開支

官堡鎮下街設第二高級小學校禮堂三間教室六
間學生自習室十間頭門一座經常費由勸學所管

理牙用開支

縣北關設張氏自立學校禮堂五間南北教室十間
頭門三間職教員住室六間附頭門左右南教室後
學生自習室二十一間屋宇宏敞光綫充足每日教
授功課稱完備焉係張鼎帥一人捐款興修教育
經常費由鼎帥擔負

初級小學校二十五處

模範初級小學校一處借設女子高級小學內

清源女子學校一處設城內周文炳創辦
書院庄初級小學校第一
紅土庄初級小學校第二
張家灣初級小學校第三
柳家寨初級小學校第四
溫家川初級小學校第五
常家灣初級小學校第六
清涼寺初級小學校第七

以上均劃歸中區

東區 欽家鋪初級小學校第一

陽坡磨初級小學校第二

雷祖廟初級小學校第三

欽峪集初級小學校第四

南區 官堡鎮初級小學校第一

侯家寺初級小學校第二

侯家庄初級小學校第三

生薄灘初級小學校第四
周花寨初級小學校第五
高橋川初級小學校第六
西區慶坪鎮初級小學校第一
王家川初級小學校第二
南大寨初級小學校第三
朱家寨初級小學校第四
北區北大寨鎮初級小學校第一

鳳崗寺初級小學校第二

第二高校內附設初級小學一處

選舉

從古人才不擇地而生耕築之下不無異侶屠釣之間亦有偉人其不得以方隅拘也自昔已然矣蓋闢門而後繼以鄉舉里選之法誠以其人足膺書升之選則舉之足充孝秀之選則舉之其敦物行而志明經亦必選而舉之雖選舉與科目不同而其光邦國

而賓王家則一也渭雖僻處一區而隴山之毓秀渭水之鍾靈不無茂才異敏相繼而生或云科第寥寥然其應成均之選者皆以行邊疆而亮若采平不乏人也爰取為表之人也

選舉表 任官附

明文科

進士

舉人

恩拔 優副貢生

武貢生

張文泰

唐朋

廉秀

王東葵

嘉靖癸未科

永樂甲子科
任山西河津縣知縣

張善

永樂癸卯科
未任以子贈員外郎

漆正

宣德丙午科

杜成

宣德乙酉科
任河南孟津縣教諭

張安

洪武十九年拔貢
任江西道御史

雷孝

洪武二十六年貢
任四川成都府推官

尹樂

洪武三十四年貢
任東登州府通判

胡謙

永樂八年貢
任山東登州府通判

張昇

宏治七年貢

嚴經

宏治十七年貢
任東甯陽知縣

張儒昌

正德七年貢
任四川威遠知縣

何悉

任平涼府教授

何奎

正統甲子科
任吏部司務歷官
至太僕寺少卿

杜大江

宏治甲子科
任四川成都府推官

張文泰

正德庚午科

宣德九年貢
任直隸豐縣知縣

范得祿

正統三年貢
任山東孟都知縣

張琛

正統七年貢
任山西浮山知縣

毛紀

正統十四年貢
任直隸靈縣知縣

任會寧縣教諭

張崇禮

任山丹衛教授

李柱村

任靖遠縣學正
陞四川渠縣知縣

何猷廷

任湖廣承天府照磨

張鶴

成化十年貢
宏治九年任光祿寺丞

張鷟

成化十四年貢
任四川金堂知縣以憂後除河南桐柏縣進士張文泰之父也

任瑀

何士俊

任山東蒲台縣丞

縣壽

任浙江杭州府通判

閔文郁

任江南泗州通判

李培

任山西大同行都司

成化十六年貢

任四川南部知縣

雅厚忠直年六

十二歲方得子

杜 珩

成化十六年貢

任山西大同知縣

復任直隸衡水

縣

曹 謙

成化二十年貢

任永清左衛

懸井山東臨青州

何士桂

任直隸清河知縣

朱 冕

任山東鄆州訓

導陞范縣知

縣

郭 鼎

任山西澤州同知

朱際昌

辛 榮

成化二十二年貢
任萬全都司經
歷升烏撒軍民
府同知

張 於 續

乙卯恩貢

未任

張 烽

未任

趙 宋 業

未任

任 光 遠

任山東峇州縣丞

張 斐 然

任雲南府楚推
府通判

朱光作

任山西曲沃知縣

張懋相

任貴州龍泉知縣

車同軌

任南鄭縣訓導

張宏祖

未任

張敷

任清水縣訓導
壽八十三致仕歸

姚文煥

未任

何如美

任崇信縣訓導

朱執恭

任泰安縣訓導

禹之緒

任莊浪縣訓導

張有續

考授訓導

王開先

考授訓導

張上

考授訓導

崔 聖

考授訓導

清進士

舉人

恩拔副貢生

歲貢生

喬巨觀

崔岱

侯瑞

乾隆庚辰恩科

順治拔貢山西
平陽府同知升
任湖北岳州府
知府

乾隆四十二年
署民縣訓導

崔家衡

乾隆丁酉科

張浩然

李喬棟

通渭教諭

康錫嘏

道光庚子恩科

康熙拔貢
雲南廣西府通
判

張凌霄

嘉慶貢

張廷政

張源俊

王維真

光緒己丑恩科

蕭寓璠

光緒癸巳恩科

陳作霖

光緒癸巳恩科

張福昌

光緒辛丑科補
行庚子恩科

石懷璋

拔貢生 任縣丞

侯化棠

同治辛酉拔貢

陳正源

光緒己酉拔貢

石懷璋

光緒丁酉拔貢

牟士俊

授平涼府教授

郭椿林

部選教諭

常健

未任

樊新

未任

侯璉

光緒癸卯科

宣統己酉拔貢

道光廿七年
署甘州訓導

周文炳

曹箴銘

宣統己酉拔貢
候選州判

未仕

姚震甲

侯爾範

恩貢生

未仕

侯爾箴

未仕

喬永昌

朱邦華

楊錦春

楊生春

徐步九

龐煥昀

姚榮甲

李春榮

楊景熙

查歲貢自何悉以後均未註明年代其先後有無
側置不可考矣

明 武進士

清 武舉

譚 失名

王 節

由進士點探花科分無考查社家舖
譚家窰有譚公墓碑年久字跡模
糊辨不清楚僅能認武進士探花
定遠侯數字碑首文曰定遠侯譚
公之墓甘肅通志亦無此名

乾隆庚辰科

魚海興

同治癸酉科並補甲子科

王玉汝

同治癸酉科並補甲子科

李錦標

科分無考任兵部差官

蕭芾

光緒丙子科並補庚子科

周漸

光緒丙子科並補庚午科

王鳴岡

光緒乙卯科管帶尚子營

李艷標

光緒壬午科

蔡登第

光緒壬午科

葛陳謨

光緒乙酉科

張兆鉅

光緒癸巳科宣統三年任都司
氏國特任厚威將軍隴東鎮
守使

清代

民國

特科孝廉方正

選舉

單鴻儒

周文炳

六年省議會議員

溫海瑞

姚震中

侯象賢

楊景熙

何琇

科分先後來冊未註

民國文職

楊景熙 十一年署海原縣知事

郭鳳藻 十一年署環縣知事

李春榮 十一年署化平縣知事

民國武職

張兆鉞 九年任隴東鎮守使特任厚威將軍

裴建準 由陸軍學校畢業供職陸軍部旋任河州鎮守使

特任 將軍

張 柱 十二年任隴東鎮署封帛統

張 標 十三年任西甯鎮署騎兵營長

張 兆 鈞 十三年任隴東鎮署騎兵營長

張 兆 錫 十三年任隴東鎮署游擊十一營營長

李 增 福 十三年任隴東鎮署游擊第五營營長

皋蘭李永錄書

武備志

深林密箐盜賊每易竊發清代營汛之兵近來驚察之卒凡以資彈壓也然區區數十人能制小醜或不足禦大寇往事邈矣同治年間回匪縱橫渭源屢失屢復是時鄉民多練團拒賊前後數十戰肝腦塗地附錄其事非徒誌痛亦以見簡卒蒐乘未可視為緩圖也志武備第六

兵制

陝西河州鎮臨洮營分防渭源汎經制一員 即城守營

馬兵二名 步兵十三名 復防縣治之南

共馬步兵丁十五名

由臨洮營都司處領餉銀 十兩 錢 分 厘

由渭倉撥發倉斗糧六十九石四斗

清末裁撤改設警察

警察

本城設警佐一名 上憲委任 警丁三十二名

經費義捐錢七百串發因利當生息不敷由地方公款撥用城鄉分為六區每區設正副長各一員均選公正紳耆充之每區警丁十二名
各區經費由各區籌辦

回變紀畧

清同治元年夏四月陝回反河狄回皆應二年六月十九日賊騎來犯渭邑初至城闔僅數百人焚掠市廛而去邑南官堡鎮舊有回族百數家頗欲作亂以

為嚮導有文生楊三烈士也糾合廩生盛麻即際唐
督鄉團捍禦賊不得逞後以賊衆猝乘力不支卒死
於難盛君亦逃三年二月賊復擾渭乘勢虜掠殺戮
甚衆鄉民驚怖相議曰賊兩次掠渭未敢攻城可徒
居之城中驟增居民萬千市巷充闐九月十六日賊
大至迫城下邑令張公大榕乏守禦策適有北直回
流夏子龍虎二等年久人熟着吾民送幣納款官民
允之賊誘吾城內有團練非登視不可初繼數賊上

城即搶幣款民復備款賊自繼逆黨藏於城樓霎時
上城者賊有數十開鎗城殺城遂臨時十七日也屠
毒生靈以數萬計滿城官員皆死之此一事也四年
三月秦回合併相繼蹂躪按焚山谷民罔子遺六年
穆將軍派隊進剿未克迨左文襄公督師入隴七
年遣提督范銘擊於官堡八年復遣提督傅剿賊上
關坪皆大捷由是賊氛漸息乃以開字軍梅開泰留
守城中計前後入載烽火相望田廬蕩然廟樓衙署

片瓦無存十年始設官分制廣招徠闢荒田嵇查土
著存者僅十餘家自外來歸亦漸有之十一乃年議
築堡為安輯計此又一事也光緒二十一年回匪復
叛由狄道竄入慶坪至關山距城約十餘里見城上
旗幟炫目疑有備旋退邑令劉慕光搬眷屬於高家
堡經宿返署以是被議罷官居民鑑於同治二年之
變逃遁一空惟慶坪一鎮人民牲畜漫被殺掠房舍
焚燬著大半陝西鹿中丞派何軍入援賊始相繼遁

去此又一事也

回變官民死事紀畧

同治二年渭源縣知縣長公齡到任多託病三年賊氛益熾稟諸辭職上憲委特授張公大榕回本任張公者書生也乏守禦策是年九月十六日賊臨城下四圍攻城急猶不知集團堵截徒聽奸細之言謂賊過境長驅赴鞏昌民不侮賊賊萬不至殺我官民宜傳紳商各界多集財物厚禮以求賊去官民如命迺

斂金銀財寶花紅彩炮登城賄賊賊登城時分搶財物猶以為未足十七日又奏金銀甚至將貧富婦女簪珥首飾括取盡淨並殺死獻款多人先焚城樓繼焚各廟宇以及衙署張公退馬號自盡全家大小殉馬訓導劉公榮基奔至明倫堂而縊典史竇公樹槐在署門遇害維時西城門被賊佔守又鄉閭居民因亂搬入者擁滿各廟以及街衢廊簷賊殘殺一日輒死人民數萬血流成渠屍積如山傷心慘目有如是

耶嗚呼以數萬生靈臨難就死竟無一人從賊者亦可謂難矣惜姓氏不傳特賦詩以弔之 詩載藝文

回變戰事紀畧

同治八年伏王彭梅諸軍統領重兵先後戰勝恢復渭源縣城即以渭為根據地設糧台儲軍實在縣北城洞泥砌屯糧為進攻退守之計當是時伏繞領進攻狄道梅公開泰留守渭城保護軍輜部將葉梅亭駐防清坪程凱臣名文勝駐防欽家鋪雖無大股悍

匪侵越之害而小醜跳梁間或潛隅乘變截餉車劫
商旅交通不便賴梅軍得報襲擊追剿稍緩清而漸
蕩平逃亡者亦陸續歸焉

回變各鄉鎮起義紀畧

官堡鎮楊三盛麻

即際

起義練團保禦鄉里賊不得

逞身經數十戰後因賊眾乘間楊三殉難盛麻奮闢
得脫惟眷屬盡遭殺戮房舍焚燬無存有吊揚三詩

載藝文

大寨鎮姚旗里張公廷傑歲貢生能文能武起義練
團保護鄉里身經十餘戰嗣因賊氛愈熾衆寡不敵
迺携眷逃之漳縣西和有頌張公詩載藝文

李姓百笏著名望族也眷屬百餘口起義練團漳縣
甯遠伏羗等處屢與賊遇經數千戰不損一丁此則
累代積德之報也惟李張氏即李椿林之妻也被賊
執縛逼問窖藏白鏹處肆行拷掠身無完膚終不屈
且罵不絕口賊怒焚死早已旌表傳載烈女

匪變紀畧

清宣統三年辛亥民國起義甘省土匪蠢動寧夏失
守靈州繼之戕官戮民慘無人理秋九月 鴻寶承之
渭源時聞警報即起辦團練保甲訂立章程選擇正
紳副將鄧榮高監生周鳳儀為團長通詳省憲立案
領獲槍四十杆彈火足用盡則督率團長帶領團丁
嚴加訓練每夜二更鴻寶親率團丁巡城一週三更
後由幕友輪流巡查自宵達旦無稍懈突於十一月

初四日夜鴻寶將巡城差役警告土匪多人來撲南
城門明火劫掠鴻寶當即集團登城鄧團長年七十
矣驚慌異常楊經制倡言要開城門邑紳間有和之
者鴻寶斥曰黑夜好歹莫辨開門揖賊有是理乎勿
妄言余自有辦法一面派壯丁二十名囑鄧團長帶
領坐守北城一面派壯丁百名槍二十杆囑周團長
帶領出北門繞城至南關開槍奮擊關內團丁相率
來助鴻寶親率團丁衆多槍二十桿保守城上缺口

頃刻之間槍石交下相持至五鼓匪勢不支遂遁追擊五里而遠是役也不損一鋪不傷一人叨天之福閣城得慶更生焉隨即通詳並恐土匪暫散難免不再來以伸前日未逞之志復電請營務處派隊來援是月初八日李管帶迺茶領隊由安定抵渭徧剿賊匪越數日在隴西古子坪地方搃見土匪多人方宰猪殺羊飲酒結盟官軍遂開槍喊殺匪驚竄拏獲首逆侯玉印等三十三人到縣再三訊明除脅從者十

三人釋放外餘俱正法併差役先後拏來三名計共
殺二十三入楊經制杖斃一名噫亦慘矣維時辦文
通詳舉筆潛然余亦不自知為何心雖曰除暴即以
安良然揆諸天地好生之德未能多救數命
有慙焉錄此以誌前愆後之人可以鑑矣

鴻寶寶

團練保甲章程

陳鴻寶

為示諭事案查前奉

列憲札飭令將渭邑保甲迅速籌辦等因本縣到任

後當經分派紳士尅期舉辦並出示劉切統諭在案
查現在城鄉團練保甲將次成立誠恐地方遼濶意
見各殊辦法未能一律除保甲規程業已明白宣示
外茲復擬就團練規則十條合行示諭為此示仰各
團及軍民人等一體遵照毋違特示

規條列後

一團練之設原為保護吾民生命財產靖衛地方絕
非出境剿賊兵勇可比所有團丁應由各團紳董

遊派本地民壯充選不准招募外來無著游民致
滋混雜

一選派團丁檢查前人成法有一家出一丁者有三
丁抽一者茲暫不為限制即由各團紳董察旨地
方戶口斟酌辦理總以年富力強人人有尚武之精
神為合格

一團練局所須擇要設立以使呼應靈通查渭邑轄
境原分七里今即仍照其舊一里自成一團由各

團紳體察情形批要佈置每得鋪張形式數少實功
一各團成立之後務將團丁姓名年貌住址人數彙
造清冊送縣備核如有住址不明年歲過大以及
居心邪僻者一概不准入選

一各團操期以三八日為定期各團丁務須整齊
嚴肅聽候團紳指揮以資練習如團丁別無事故
一次不到者由團紳酌加申飭二次不到者酌量
議罰三次不到者即由團紳指名稟請懲究

一各團器械暫用苗杆刀矛不必火器如團紳中有如跑陣擺陣諸法者亦可隨時教演以擴民志

一各團務須聯絡一氣所有辦理一切事宜均當彼此熟商以免參差如遇有警尤須消息靈通互相策應以敦守望相助之義

一各團開辦後每月於二十八日由各團紳帶領各團丁來城會操一次本縣擇其武藝嫻熟者酌予獎賞其不合法者指令更正倘有無知士民從中

阻擾者准即稟由本縣從重詳辦

一鄉間舊有堡寨各團長務須及此農隙分別補修
一遇有警即帶令團丁邀同居民入堡聚處協力
固守以收堅壁清野之功

一各團設團長一人協理一人均由各該處士民推
選品行端正心地明白人望素孚者由縣諭派所
有團內辦事方法均須遵照規條以歸一律並受
地方官監督以期相與有成

尚有保甲規程宜再採錄 宣統三年十月通詳有案
此次修志設局於平涼往迫商榷頗多塞礙又適
值兵事以故遺漏不少業付石印不能久延應俟
來哲增補焉

職官志 名宦附

書曰建官惟賢位事惟能則凡受政府命而蒞疆土者豈惟職列通顯躬膺爵服已哉蓋命官以養民命師以教民也然既有教養之責矣胡為不以傳而以表也蓋傳以傳其事表以表其人然有其事而表者固以昭豐功大澤於弗置無其事而亦表者亦以有父母斯民之任也爰悉取而列之今民國廢教職改官制而地方官之負責尤重矣名宦則附列篇末志

職官第七

歷代官制

舊設知縣以下有縣丞訓導巡檢各一員裁

舊設慶平驛丞一員裁

清代官制

知縣一員 訓導一員 典史一員 經制一員

民國裁訓導典史經制改為縣知事管獄員警佐

職官表明代以前官無可考姑闕之

清 知縣

李 涓

直隸真定人
歲貢順治元
年任

張 秉紀

湖廣東陽人
生員順治四
年任

張 旭

訓導

萬戶侯

咸寧舉人

馬 軼倫

三原舉人

張 懋興

典史

李國深

順天大興人
吏員順治十
年任

章尚賢

江南甯波人
吏員順治十五
年任

諸國隆

武 經制 即城
守營

楊步雲

文縣人
光緒三十二
年任

石 明

導河人
宣統二年
任

唐過舜

遼東人 生員

順治七年任

翟鳳翬

山東滋陽人

歲貢 順治九年任

年任

俞芝

江蘇婺源人

拔貢 順治十年任

一年任

渭南 歲貢

劉顯謨

蒲城 舉人

李之培

商州 歲貢

浙江山陰人

吏員 順治十年任

八年任

趙楫舟

鞏昌 清水人

吏員 康熙十年任

四年任

李實

直隸定州人

吏員 康熙十年任

九年任

導河人

宣統三年任

任

李之麟

浙江宣平人歲貢順治十三年任

趙聯瑞

直隸遼州人生員順治十四年任

荆士鉉

江南丹陽人歲貢順治

閔調璽

商州歲貢

王世俊

安定生員

王孫組

朝邑歲貢

崔廣譽

直隸內黃人吏員康熙二十二年任

冒淦

順天宛平人捐納同治十年任

馬紀

會寧人保舉光緒四年任

十六年任

馬謨

河南汜水人
歲貢順治十八年任

蔡芝春

江南寧國府
歲貢康熙七年任

李彪白

張叔孔

靈台歲貢

甘霖淳

平番人歲貢
同治十一年任

周家乾

周正德

四川監生報
捐光緒四年任

徐揚義昌

江蘇丹徒人
保舉光緒十二年任

方良輔

湖廣桃源人
舉人康熙十
年任

張宏斌

江南具江人
康熙十四年
任

熊啟詠

湖南零陵人
保舉同治十二
年任

四川漢州人
監生報捐光
緒三年任

張子福

西甯人舉人
光緒七年
任

楊國培

會寧人拔貢
光緒十六年
任

安徽桐城人
報捐光緒十
四年任

徵元

直隸饒白旗
監生光緒十
七年任

鄧家駒

四川重慶人監
生光緒十九年
任

李望洋

福建台灣府
噶嗎蘭廳人
舉人大批同
治十二年任

劉瑞

順天大興人
報捐光緒三
年任

潘世篤

河南臨潁舉
人光緒三年

韓統善

環縣人歲貢
光緒十七年
任

李渾

伏羗人舉人
光緒二十九年
任

楊學震

漳縣人歲貢
宣統三年任

蔡元之

貴州婺川人
監生光緒二十
五年任

程傳時

四川彰明人
監生光緒三十
三年任

實任

張壽燾

湖南善化人
保舉光緒六
年任

黃元珍

貴州安順府
鎮寧州人
同治
丁卯舉人
光緒
七年任

龔炳奎

紀洪範

定西人
歲貢
宣統三年未
署旋廢

湖南長沙府
湘鄉人附貢
生保舉光緒
十年署

劉黎光

雲南昆明人
進士光緒十
七年任

楊震謨

湖北雲夢人
保舉光緒二
十二年署

湯

霖

湖北黃梅人
進士光緒二
十二年署

姚

五經

陝西涇陽人
優貢保舉光
緒二十四年
署

史

文光

湖南長沙人
保舉光緒二

十六年署

梅樹南

四川巴縣人由
優廩生徵舉孝
廉方正光緒二
十九年實任

潘力謀

湖南長沙人
保舉光緒三
十二年署

倪瑞璜

安徽合肥人
世襲蔭生光
緒三十四年
署

張金鑲

直隸大興人
舉人大挑宣
統元年署

栗國珠

湖南捐納宣
統二年署

陳鴻寶

江西泰和人光緒庚子辛丑併科舉人三十三年以算學專門保送會考及第殿試以知縣即用宣統三年實任

民國縣知事

郭世選

山西汾陽人清舉人元年署

查知縣長齡張大格訓導劉榮基典史竇樹槐均因同治二年殉難載入名宦表內漏未登合併註明

管獄員

張爾昌

狄道人清廩貢生以縣丞用二年

警佐

張廣仁

安徽人二年委

宋萬選

皋蘭人清進士二年署

孫耀章

直隸河間人第一屆試驗及格五年署

馬象乾

陝西長安人第二屆試驗及格六年署

署

常成恆

陝西長安人清監生報捐典史七年署

白映一

撫彝人法政畢業九年署

胡

鈺

陝西華縣人監獄法官考

孫吳

浙江人六年委

章肇基

涇源人八年委

徐士駿

涇源人十二年委

魏懷祖

涇源人十四年委

黎之彥

四川閬中第八
二屆試驗及格
七年實任

試及格十一
年署

何春

導河人清縣
丞十二年署

黃宗憲

安徽合肥人清
附生保舉九年
署

胡履中

湖北黃坡人
法政畢業十一
年署

李仲蓮

合水人清宣統
乙酉拔貢保舉

唐文德

導河人法政畢
業十五年署

十一年署

徐東藩

安徽合肥人第
二屆試驗及格
十二年署

趙顯祖

隴西人法政畢
業保薦十五年
署

名宦

名宦俎豆學宮非奏聞不入昭其慎也渭邑名宦採訪所及自明至清存祀學宮者寥寥僅四人其餘奏與否不可知已夫祠名宦必功德美備若其一二善政未及上聞秉筆者猶得節採志甘堂之思焉

王淑曾字永晦直隸長垣縣舉人明天啟五年為邑令性謙讓喜扶持文教興學課藝多士皆游其門一時絃誦風起文化粲然遷渭橋於城東五里民不病涉者百餘年渭人感之砌有遺愛碑石存焉

王承惠河南蘭陽人前明時為邑令潔清自守政尚寬和流寇犯境守禦不懈李遂陷長安分股窺渭城破不屈賊仍以渭令授公公厲色曰余奚忍違聖主而從逆乎賊嘉其義亦不加害去之日行李蕭然士民遮挽

查明代有官蹟可詳者僅二人故未列表

李令直隸定興人政尚平恕民蒙其澤順治五年徊變公方議守禦被潛入者執之大罵不屈遂死於難督撫上其事贈陝西按察使僉事蔭子一

張宏斌江南吳江縣人康熙十四年逆兵寧境劫掠
無餘廬舍焚燬居民逃徙山谷公携二僕到官日坐
荒廨夜宿櫓按安撫招徠征鴻漸集時簡書旁午飛
芻挽粟日無寧晷雖供繕煩億民無怨聲治渭數載
生聚撫綏或創或因百廢俱舉治績炳著
長齡 省 縣人同治二年署理渭源縣知縣同治
三年徇亂殉節存祀文廟名宦祠
張大榕同治三年正任渭源縣知縣徇亂城陷殉節

存祀文廟名宦祠

劉榮基甘肅天水縣人正任渭源縣訓導同治三年
狃亂城陷殉節有祀文廟名宦祠

竇樹槐正任渭源縣典史同治三年狃亂城陷殉節
存祀文廟名宦祠

張壽燾湖南長沙人光緒七年蒞任即籌貨創建城
隍廟河神祠各工程

劉黎光字照青雲南昆明縣人光緒丙子恩科進士

為官廉明政不煩民不擾光緒二十一年河狃之亂
城中烟戶無多聞警夜逃獨留一官孤城難守移至
高家堡經宿返署上峯彙奏竟以是去官

湯霖字雨三湖北黃梅縣人光緒庚寅科進士下車
觀風課士講授大學因以士執師生禮而官民之風
變焉迨後文明日進先生使然

楊震謨字少旃湖北雲夢縣人廩生到任閱城一見
東城頽塌稟請籌款派紳委鄧崇高郭椿玉李豔標

楊景熙督工補修其居官嚴明仁正判斷簡當而抑強扶弱除暴安良因之盜賊不生四境安堵

竄金聲字殿珍江蘇無錫人賦性慈祥政尚寬仁視民間瘠苦將地丁每兩折徵錢二串四百文減舊收二百文並稟請立案永遠不得加徵文廟殘廢文風不振公首集鉅款擇派邑紳鄧榮高楊景熙等督工重修祇以工浩款狹歷四寒暑始克葺事樂觀厥成今日文廟輪奐一新人文蔚起者皆公之培植也

梅樹南字野愚四川巴縣人光緒建元甲戌制科孝廉方正蒞任伊始倡辦學校甄錄人才繼以親臨四鄉稽查戶口編立保甲盜賊斂跡創設寶善濟農等會貧民有賴他如勸民種樹振興農業種種慈善無不畢舉近來士子蒸蒸日上皆公之興學是效如河州鎮守使裴建準其最著者

劉汝霖字幼農湖北黃岡人進士出身為官寬厚仁愛因新政煩劇設法籌款開設因利官當以公濟公

後之警學兩款悉由此出永免派累至今民間寔利
賴焉

黃宗憲字石略安徽合肥縣人廉明嚴正不愛一錢
宰涓時正值軍興丁銀尚未徵收忽電撥餉提餉者
隨之而咆哮打罵公挺身而起畧無惧色渠亦知凡
清官不可以威脅以勢凌反記人說頂息事公由存
積俸費內墊付一清未派民間分文獨對盜賊嚴刑
懲治遇搶劫稟後槍決致司法衙門斥責記過公不

稍恤去之日人民臥車攀轅甚至泣下挽留同治克復後僅見者也及首途行李一肩抵隴東旅平渭人開會歡迎歡送張鎮使重其清操贈贖二百固辭不受而去

楊國培字簡丞會寧縣人清光緒乙酉拔貢前甘肅楊觀察護省長督辦思之父昔為邑訓導道德高尚學問淵深每月召集城鄉士子認真課藝此方得詩文之衣鉢者公啟迪而善誘之也逢朔望日整肅衣

冠瑞拱明倫堂教孝弟之義明修齊之道由斯易風
移俗士習丕變始有今之文化也

張尔昌字壽安狄道縣廩生民國三年任邑司法官
白匪擾甘城防吃緊人民惶恐一夕數警縣長宋公
年力衰邁不負守城之責公以一身任之日夜巡城
查戶月餘未懈又逢毅軍剿匪過境供支糧草差役
繁擾因差車不敷鞭撻立至傷公頭部血流被面急
潜伏乃得免又每夕查管押人犯並未受一錢時時

嚴飭獄卒如詐索民錢與罪同科去官之日囊空如
洗地方感戴道祖遠送不下數百人直與行政之賢
者同一榮欣焉

人物志

扶輿之氣萃而為人文則人之維繫古今豈不重義
蓋忠臣孝子義士仁人與夫名賢者逸以及節烈貞
淑或戡定封疆樹鴻勳於奕世或堅貞勿二効篤棊
於丹楓或俠烈慷慨振千秋之氣節或止誼明道垂
百代之典型敦人紀而培彝倫隆顯揚而篤明發斯誠
扶綱常於勿替維名教於不衰懿行方規焜耀萬古
允足起頽風而勵靡俗者也謂雖叢爾亦不可謂無

其人焉爰倣史氏之例列之為傳詎溢美與志人物
第八

逸民 因夷齊為千古聖人特以冠人物之首

周伯夷叔齊孤竹君之二子當紂時兄弟遜國聞文
王善養老乃入周就養及武王東伐紂叩馬而諫至
周有天下伯夷叔齊恥之不食周粟隱於首陽山采
薇而食遂餓死按曹大家著幽通賦云秦隴首陽縣
有首陽山今隴西主事楊思有首陽辨後首陽縣改

為渭源縣而首陽山劃歸隴西境詳輿地沿革表
郭節明代隨建文出亡之臣也建文於夏六月庚申
十三日未時由癸門出比時願扈駕者二十二人
節其一也君臣奔竄崎嶇晝伏夜行歷滇南巴蜀建
文至樂都之瞿曇寺乃祝髮徒者或緇衣禮佛或黃
冠學道或傭身為奴分散於甘肅河湟狄渭間率不
言姓字節始為甘敬溝董商戶僕後家於郭家灣晚
入秀峯山採南山色澤不同竹五種移植禪院因自

號曰五竹僧今其裔數十家皆供五竹僧像謂之逸民不其然與

論曰孔子稱逸民寥寥僅數人而以夷齊冠其首尚已後世以隱士當之然逸民立傳始於范蔚宗皇甫有高士之述張顯有逸人之紀誠以嘉遯之士其志悲而其用心亦良苦殆所謂無用以為用無為其所不為者與

鄉賢

明

張文泰嘉靖癸未進士員外張安之孫桐栢令張鶚之子也少穎悟善詩文學行端方言切世務有五竹遺稿祀臨洮府鄉賢

李成蛟字升龍由吏員任四川龍安照磨時科第寥寥公請之太守伍公遷學廟於府治南一時人文蔚起登科名者相繼不絕番夷侵掠圍郡城大將喪師公謀之兵備謝公曰蛟邊人也習於戰願將兵破之

即授以兵符隨提參軍三十且戰且撫直驅蠻於三百里之小河堡全師解圍而歸督撫保陞雲南水司丞後致仕歸年八十四歲而卒

任瑀任四川南部知縣為人剛方厚重踵步不苟動以道義自繩從學咸仰為師宗晚年得子子授河南嵩縣主簿公壽至期頤稱為仁厚之報

清

侯明弼監生乾隆三十八年邑大飢明弼捐粟三百

餘石以助官粥四十五年小南川遭雹灾佃戶積逋甚多遂焚其券救濟窮民無算邑令以古道是敦表其閭

温孝伯咸豐末高士也性慈善遇殮無槥寒無衣飢無食者周濟之不惜囊中物後家財分施淨盡則典賣田產以贍終顛連無告之人尤好放生凡有捉禽獸昆蟲者出錢買放之弥留時子以無棺為慮亟囑之曰吾自有棺沒後尔於南河灘覓之子依命忽暴

雨水漲果有大木順流而下載歸之指匠製作修短合度尺寸不差一時傳為奇談

石懷璋字寶珊清光緒丁酉拔貢癸卯科舉人少時

出就外傳即英邁絕倫每讀書双行俱下弱冠食餼

肄業蘭省求古蘭山五泉各書院屢列第一拔貢朝

考二等以直州判用不就後領鄉荐赴京覆試名冠

全國為甘肅會試士子破天荒也著有詩文雜作事

親盡孝稟命承教溫柔和婉詩弟友愛尤得父母歡

心嘉言懿行不勝枚舉

楊濬字浩然歲貢生性質樸嗜學不倦同治回變隨
父母避亂至半途遇賊父被害冒鋒刃奮屍瘞埋之
迺負母奔溫家川賊在山後各村殺人放火時夜深
卞人尚酣夢急匿母於僻處沿街大呼救活千數百
人後逃至漳縣與賊李百笏等謀雪父仇糾練團勇
與賊先後數十戰奪獲軍器布帛馬匹無算賊相戒
不敢來犯亂平歸里晝為人傭夜誦書史游庠食餼

設帳育才德容古貌望之如秦漢時人且慈惠天成
一客商宿鎮邸患病沉重店主令搬出外濠憐知其
情即命子舁至家延醫療治病乃痊如此類者甚衆
年八十三而卒

李榮字耀山世業農居邑北二十里之李家堡頗豐
饒樂善好施道光咸豐間兩次歲荒每晨起懷乾糧
登高山俯視左右貧不舉火者即抵其廬出食食之
或呼其主携囊至家給以菽粟鰥寡孤獨疲癯殘疾

之人尤三致意焉復多製棺木以資貧戶之喪塋邑人感之同治初年回亂方作聚鄉人告之曰此次浩劫恐非尋常昨訪得南去數十里有漫灣之地懸崖數丈上可居人亦可藏穀集壯士守禦路口賊莫能逞洵天造險要也所少者食物耳為今計各徒穀寔之岩穴一聞警即趨赴據險而守逃生善策也無穀者請徒吾粟倘依戀不決悔無及已衆皆迂之獨李家連日運粟積於石窟中亂至携家以人迨邑城陷

村落破碎流民奔來就食榮曰此非佳兆食盡將自
相魚肉迺捨穀遠適衆貪於食穀不之阻遂逃居漳
縣之朝陽洞時方閉糴無所得食集子弟議曰吾家
百餘口無食何以為生今擬分途而走或可幸免遂
如命既而悉脫鋒鏑之禍無辱賊手者當妖氛之初
起也人多昧昧恋室廬惜器物不忍遠舉高飛獨李
民始也盡室以行終也保全以歸豈非積善餘慶自
天佑之乎抑亦料事明而審幾決也洵一時之卓卓

者與

李鳴鶴字侯仙李榮之次子好賑濟窮乏一如其父鄉之善士也兒孫繁盛中武舉者二人並文武同科入津者六七人也令黃元珍贈聯云多培元氣人增壽廣積陰功後必昌至今傳為美談

李錦標字果鄉鳴鶴之姪清某科武舉部試兵部差官同治二年至歸化城圍回變星夜馳歸時家屬避亂漳縣之朝陽洞外被賊困內無糧食乃奮力殺散

賊衆救活性命無算賊自是不敢窺伺朝陽洞亂平
旋梓墾荒招徠邑民賴之設教授徒率皆造就魁岸
豐偉不樂仕進晚年頗好佛云

王維奠字定侯歲貢生學問淹貫剛直不阿初授華
亭縣教諭繼升平涼府教授每逢朔望傳集諸生登
明倫堂宣講道德仁義開平涼文化之先聲同治亂
後稟請上憲撥款在北寨附近招輯流亡闢地墾荒
築堡寨以衛盜賊鄉人賴之

楊培芬字子英賦性剛直不畏強禦弱冠遭同治之亂投入范軍精銳衛隊攻綠麻孟狄道永寧橋之役奮勇爭先屢立奇績論功行賞升任正哨官保把總繼保千總左候來甘遣散舊部復投入湘軍左路左營先親兵什長適同事某犯令擬斬公脫之遷怒於公罪論抵償經衆求救始改刑杖痛責無數迨緩刑而腿肉腐爛不能行走腿肚傷重死而復活瘡痍愈時膿血流千餘碗後左營被裁家於渭源縣城常勉

後進曰古人稱刎頸交者莫如廉藺子以身試之願
汝輩效法古人雖死猶生也况未必死乎公飽嘗艱
險無志進取一意經商由此家道小康遇士則優禮
有加凡鄉會試及貧乏婚葬者必傾囊以助荒年周
濟倉箱告罄又轉貸素封以賑之鄉人感德贈樂善
好施等匾額公沒後朝政改革逢褒揚曠典
大總統題褒高山仰止四字以闡發幽光

張澄海字清臣邑東鄉欽家舖人精匠道師古自況

居家肅穆治病不言謝有無皆與藥活人甚眾光緒
初年為永義堡首領時有居民崔姓在劉姓之瓦窰
煙自中拾得銀數千兩寅夜送堡首清臣銀百兩清
臣力卻之曰非義之財吾不受也古云臨財不苟其
猶見斯人哉

論曰書契五善終於旌賢能渭邑蕞爾雖名臣碩輔
邈焉無攷而瑰才琦行在國在家原無異致昭往
哲式後進不可闕也昔楊椒山倡教狄道而英賢

輩出涓與狄為隣壤百世下書有聞風而興起者
乎高山景行低徊留之矣

忠義

明

漆堅任四川重慶府照磨蜀賊反領鄉兵力戰死於
難事平同察皆賜贈祀堅不與焉

朱光現明代生員也平生正直鼎革後閉戶絕交足
不履城市及薙髮令下遂告家人曰公令所在不敢

有違吾老矣受朝廷之爵藏我於密室中勿令人見
以成全受全歸之志可也嗣後查禁愈嚴衆人迫之
迺仰天歎息遂不食而死

朱濬字百川與光現同時書生亦以雉髮不屈餓死
聞者義之

清

侯得明邑廩生同治回亂得明為賊所執要密金得
明日吾寒士也焉有金賊剗其目拔其舌至死罵不

絕口

康應龍年八旬餘精醫有盛德狄河間患病者為所
療治不下千百遠近呼曰康神人曰族亦常延以療
病會賊迫城下戒勿傷康神人城破康見賊大罵卒
死於難入祠

康錫嘏即應龍之弟道光庚子舉人有氣節勤學問
同治三年城陷被狗罵賊不屈而死所有著作盡付
灰燼入祠

侯尔正監生世居官堡回亂家人欲逃匿山中尔正獨不去曰吾父母已死何以生為及賊至懸父母影像肅衣冠再拜自縊

朱子正名建中邑廩生居小南川納灣里回亂遇賊括財物子正誑之曰我有物在草中隨我往取引賊至祖墓迺大罵曰汝等叛逆王法所不容吾得死所矣急殺我賊怒殺之

張鳴鶴咸豐壬子科副榜才華富麗工詩文同治回

變殉難著作無存

侯化棠同治辛酉拔貢才識明敏志性激烈遭變不屈賊害之臨死罵不絕口

徐立晉邑廩生常登樓讀書三年足不履街衢工詩古文辭後設教渭城裁成英才甚多回亂城陷立晉正居畫樓知事不可為即撲火死之

李光岳邑廩生同治回變罵賊死節

李宗岳邑廩生光岳之弟兄弟同時殉難一門双忠

可以風矣

康承泰貢生同治三年賊陷撲城而死入祠

楊際春色增生同治回亂至沙達里際春率團擊賊

中炮而死入祠

楊三官堡人同治回變舊有回族百餘家在鎮者欲

起而應之楊三糾合盛麻唐即際練團堵禦賊不得逞

後以賊眾乘間力不支卒死於難按楊三是否即楊際春宜再查注緣

此次局設平涼未及親至其地訪詢殊歉然也蓋二人而作一人固不可一人而作二人亦不可

盛際唐邑廩生有膽畧才識過人同治回亂與楊三
編練團防保衛閭里時有少數賊來犯君出奇敗之
賊憤恨約大股回匪搶掠盛楊二家燒燬房屋婦孺
被戮殆盡村人逃散君以身奮闘得免然已無家矣
慘哉

張廷傑字漢三光緒歲貢生同治回亂在北鄉姚旗
里擇險洞招集村人團聚並將壯丁練成義勇遇賊
擊退因以全活多人後賊氛稍靖卜宅渭城北關即

督條胃川書院集款興學今其孫兆鉀勛烈彪炳現
任隴東鎮守使咸稱忠義之報云已請旌

論曰殺身成仁志士標其勁節含命不渝拜彥稱
於風人椒蘭委灰芳烈斯振矣若乃一介之士效
命疆場如漆堅楊盛諸公或得旌或未旌其身亡
其名不亡嗚呼可以傳已

孝子

明

李敦幼喪父獨母陳氏撫育成立敦事之菽水親捧起居親扶定省溫涼歷終身弗倦及母歿廬墓三年朝夕拜泣萬曆二十八年直指旌其門

喬漢儒庠生家貧父早亡母侯氏既老儒躬耕侍養誠敬不衰母歿後膝行搬土廬墓三載縣令張扁其門曰孝德可風

清

任四狗慶平里孝子也世業農父死於虎迺習為鳥

鎗誓殺百虎以報父仇久而成絕技四自少至老計
所殺已九十餘虎而不能滿百迺裹糧入深山結茅
以俟忽一虎咆哮至鎗不及發幾為所噬俄雲霧晦
冥若有神人呵虎去兼責四過殺者迺歸而焚香灑
酒告其父靈並戒子孫徒弟世世勿復與虎仇也遂
溘然寢虎皮而逝事在康熙雍正間狄道吳松崖詩
集中古歌有渭源孝子任四狗手持烏鎗殺百虎之
句錄通志

崔琪諸生隨祖公鄉試中途祖疾甚劇琪取糞嘗之告匠以味苦可治匠感其孝盡心療治而愈祖後卒父拱辰亦相繼亡琪廬墓三年乾隆七年旌表

楊佛保岫峪川農家子也齠齡即能敬親年十七

母相繼去世家貧甚無以為殮迺以傭為質貸貲而備衣衾竟得厚葬後數年猶不時嗚咽於墓側聞者為之流涕

李國英字俊卿邑廩生家殷實世守耕讀為邑望族

母先亡繼母王氏國英事之極其誠懇布置家政必一一秉訓而後行不敢稍拂繼母意清特科孝廉方正里鄙咸以國英堪膺其選公謝之曰吾母所需皆祖父所留遺吾惟勉循具文而已實於慈闈不能無歉也孝廉二字豈敢當若無其實而邀其名慙孰甚焉力卻之僅以一衿終其身

李豔標字杲臣清光緒乙酉科武舉即鳴鶴之三子能文能武尤精算術教授生徒入庠者頗多事親極

盡孝道父母欲有所食不憚數百里必賻致之父母病重遺矢於床用手掬之洗穢滌器之風其猶見斯人哉

張純融父早逝其母晝出耘田恐以為勞往來負而行之後有腰疾家貧無裊褥晝夜以手扶之平日親侍湯藥有鮮食必先供母至臨終奉養毫不少衰居喪哀痛異常鄉里稱之

周鳳儀字敬臣幼年從母避難拾遺穗以自給每食

讓母先見者異之年五十猶觸懷攝乳為孺慕態母
沒見母姊輒感觸泣涕四時餽遺不絕父有難日走
數百里告急當道水漿不入口者三日及難解始食
清末土匪擾渭輸百金助城關守禦資嘗督工修城
至日肝忘食他若衣葯棺木之施道路橋梁之葺好
行其德日有孳孳大則創立寺廟小之放生禽魚即
僧道獄囚亦資周濟歲甲寅邑宰以先生孝行聞之
上峰轉達政府蒙褒以先意承志曰字在他人以為

榮甚而先生則入蓮峯山為僧若弗聞也者自號覺
元上人率西衣冠坐化遺囑塋清聖側

論曰古者富貴而名磨滅不可勝紀鄉曲之士孝
行克敦不求名而名自歸之表厥宅里樹之風聲
綱紀之首王化之端也若任氏殺虎以報仇崔琪
嘗冀以求匡雖未及表揚亦比古人立儒之節矣

文苑

張銓字子衡清初廩生將軍兆鉅之太高祖也家貧

博覽能文嗜陽明之學四方負笈受業者數百人晚年家景蕭條猶講論不輟其篤信好學蓋出自天性云錄宏傳

張維字武臣清廩生將軍兆鉅之曾祖也髫齡能通經史工古文章道德負時望者數十年錄家傳

張凌霄字步九嘉慶歲貢生設帳多年凡執經受業於門者咸造就邑舉人康錫嘏其首徒也河神祠後三公路口豎立碑石題望重鄉閭德教流芳八字

郭姓遺其名大學生嘉慶時宿儒也鬚髮皓皓設帳課讀雖盛暑不釋衣冠終日危坐桃李盈門入庠食餼者甚衆晚年築一小室專研四子五經足不履家庭著有四書管窺二卷燬於同治兵燹

何琇邑北鄉河家岔人世守書香篤孝行尚德惠道光初公舉孝廉其嗣孫效梅歲貢生躬教讀貧者不受束脩間有赤貧而資優者留館授食以成其材鄉人感德爰立碑誌

郭椿琳字壽庵同治初避亂游京華事平歸里應試
既至則試期已過遂投籍隴西入泮第一宗師批字
壓十屬的是館闈規模生平樂道安貧設帳渭城多
識博文自是後學發達皆賴啓導有以流傳也由歲
貢選校訓導未到任而卒

李百笏字播卿鳴鶴之長子清增生工詩文聲名籍
某好施與調恤困乏如其祖父成就後進尤衆舉人
石懷璋即其壻也每選鄉會試贈以川資不下數百

金

樊衡字香亭恩貢生學問淹貫晚年杜門著書專攻
性理學

李兆庚字夢西邑增生畧詩工書法孝於父母友于
兄弟

常南坡名健字乾齊邑優廩生卜居小南川山陽之
半故別號南坡回亂起避至階州訓蒙還里後仍以
課花自給博覽廣識人有欵義多就質之書法最得

力於行車鄰封韻士每以得南坡教行書為快成就
士子甚多

朱映彩字施五色增生南川五竹里人性慈好佛設
教縣壯閔循循善誘造成菁莪之士惟公門下最盛
羅澣江邑廩生教授義塾多歷年所對於貧家子弟
尤為認真

吳炳文邑庠生東鄉人篤志好學父子兄弟聯登事
繼母純孝家貧甚身傭妻苦晏如也清末革命鬱抑

成疾而死

論曰聖門文學尚已其後馬班韓柳歐曾輩咸以
文采著士束髮受書慨然以古作者自命乃妻子
仕官消磨精力歲月駸駸頭顱已白文雖小道能
挾鉛槧以廁名壇坫者蓋亦難矣烏鼠渭水之間
落落十餘人才有小大固亦一邑之彥也

懿行

清 按逸民而下五門俱互有出入

特舉其優者
言耳

張守仁字樂山將軍兆鉀之高祖也性至孝善為廢
著鬻財之術然稍有所積輒斥散之以周人之急故
終其身無以一錢遺子孫者其清貧亦如父銓六
蘇鏡湖咸豐歲貢生六麻灘人性剛直不畏強禦不
諂富貴鄉間或爭田產口角而興訟者竭力排解之
即命案大件亦必設法勸散不令成訟鄉人慕其德
為立懿行碑

何海臣北鄉人松淑仿古仰繼先志荒年計人口與

之粟俗多迂之海且常言財貴積而能散值同治回
亂奉母遠走眷口數十無一遇難者殆天之報施善
人與

鄧榮高字嵩山陝之西鄉人也同治間從戎西征累
功至副將光緒初年退休歸曰卜居渭源城內溫和
純樸智勇兼備樂善不倦兄遇邑中公益皆以身先
之文廟祠宇城垣諸工俱首任其勞洵一邑之善士
也

張福字壽山性和厚樂善好施鄉人有訟者力為排
解恆捐已貲以息兩造訟事秋渭通衢有川水一道
夏秋泛漲行旅苦之公捐銀建輿橋一座渭隴衢道
亦每為此水所苦舊橋圯公又獨力重建里有閔帝
廟文昌廟燬於兵燹均募捐監修輕財任勞洵不數
數講已

王榮字華亭清者賓居郝家山性剛直好施與春耕
不足者補之秋斂不給者助之無力婚葬者酌量借

貸不計較錙銖監修漫平山雷祖殿剏辦常家灣國
民學校籌貲募款白髮皤然奔馳崎嶇任勞任怨始
終不懈卒底成功其猶有古風哉

張進德字慎三清耆賓居六麻灘同治亂後隣近十
教莊無一識字者進德捐貲建立書院一所延聘教
習令子弟皆入校訓授十餘年薪金伙食及一切需
用之費皆進德一人担任之始終如一日成就英才
甚多嗚呼慷慨出貲以教他人之子弟十餘年而不

倦此豈易得之晚近乎哉

章錦瑞字子文性誠樸剛方自守里鄰爭持不憚苦
口勸導必使兩造息爭而後已凡遇訟事官長不能
斷決者得公一言兩造悅服事後或有備禮物束謝
者均斥不受前邑令梅樹南甚重之升任時親筆題
贈質直好義以彰其行

劉進禮字信臣拘謹耿介取與不苟苦作慈善事與
修文廟慨捐鉅貲並勸助各工道路橋梁有傾圮者

不待紳請官委自行修補歷年如是前邑侯陳公重
修縣城特委君為總理事經兩載嫌疑不避勞怨不
恤至今城垣鞏固樓閣巍峩皆君之力也

葛毓英字俊卿生平熱心公益鄭重斯文常為鄉鄰
排難解紛前令梅公委建五竹區學校監督派工事
屬報舉間有阻擾出惡言者君不與較與學熱忱未
稍退梅公極為嘉許贈以里鄰急爭匾額

論曰鑽核封肉佩鑰莫磴難擁金鉅萬徒為有識

者所鄙為其專利而不為善也或曰今之為善者皆
好名而已夫求士於三代以下惟恐不好名彼好名
而為善猶愈於不好名而為不善者况乎為善固不
盡出於好名哉一行之美錄而弗遺以云勸也

列女節烈賢母孝婦

隋

柳氏涇源令裴倫之妻也隋末薛舉倡亂倫遇害柳
氏泣謂婦及女曰我輩遭此禍亂命也倘辱於賊其

若汝父之死義何遂相繼投井而死

余作詩弔之詩
載藝文

明

張氏桐栢令張鷟之女進士文泰之妹也少讀內則
雅嫻女訓歸郡庠生劉翊夏為妻惟謹惟勤翊夏卧
病年餘躬侍湯藥即滌溺洒掃不委減獲籲天請代
夏竟不祿氏遂屏絕服飾哀毀骨立幾死復生竟成
疾而卒遠近聞風者其不為之嗟歎郡守南敦李公
扁其門曰貞節

張善猷妻夫早亡氏敬奉孀姑耕織自營每食自粗
糲務以甘旨奉姑姑嘗慰之氏曰婦道宜然寔欲代
夫以供子職耳邑勉二十餘年及姑亡墓祭皆有禮
邑令額其門曰一鄉孝婦 來冊未註何姓

王氏里氏翟麒之妻麒早亡父母俱存家貧如沈氏
年方十九有遺孕常誓曰生為翟家婦死為翟家鬼
後生子芾氏上事舅姑下撫弱子子六年子芾游泮
孝養翁姑至老不倦邑令扁其門曰節孝双全

清

朱天之妻侯氏年甫十六嫁七月而喪夫後歸寧母
以朱氏相呼其嫂笑曰夫已逝矣尚不知為誰氏之
妻氏聞之即日言旋矢志靡他以其兄之子耀祖為
己子由是棄奩毀粧獨處一樓雖娘親探望祇倚欄
相應朝夕飲食惟姪子一人進奉後姪子為政山縣
訓導請表其節小官場建立牌坊道蹟尚存
康氏前海原縣知事楊景熙之曾祖母狄道北鄉三

旗里紅灘女也少時貞靜寡言聰慧莊雅不與鄰女
作戲笑歸楊門妯娌六相處最和且勤女工助內條
分縷晰生子二氏年二十七而喪夫矢志柏舟夫之
弟媳嫉能盡弟逼再醮氏不從暗引多人杠至某家
氏乘人不備逃歸黑夜莫辨二子尚未睡含泣飲恨
令子睡潛啟門墜崖殉節見者莫不流涕光緒間狄
道修縣志以強族逼醮墜崖隕命人字載入節烈
陳梁氏北鄉人陳自新之妻同治四年三月十六日

陝賊竄入大寨堡氏撲火全節入祠

李張氏李椿林妻也渭邑最名富家同治回亂被賊執縛逼問害白鏹處肆行拷掠備極殘酷身無完膚終不屈且罵不絕口賊怒投火焚死入祀節烈祠

張氏妻遺母家姓并夫名居馬家莊十六歲歸張姓翌年夫隨官遠遊渺無音信氏事翁姑溫清定省滄澁繁蘋虔恭精潔愉色婉容免盡孝道以堂兄之子為嗣撫如已出治家嚴肅整齊稱小康年踰六旬髮

白如雪遭回難避竄馬家窪炭窩中被賊刺死
郭龔氏郭富却之妻同治回亂夫為賊害氏年三十
餘子至元方十一歲時賊氛甚惡節婦携子奔竄崎
嶇餬口洮岷冬碎榆皮夏掘草根以度朝夕後又流
落寡伏數米拆薪備苦楚恆藉十指所得贖置書籍
筆墨令子入塾讀書乱平歸里為子成室訓媳如己
出媳亦孝謹每食必問所欲節婦晝理農務夜勤女
紅終其身如一日課孫雞鳴盥漱黃卷青灯風雨不

輟壽至七十一而卒

葛何氏柳家寨葛毓蘭之妻年十七歸葛姓十九歲

夫歿生子一名秉愚甫週歲葬夫之日氏抱兒泣語

舅姑曰媳命蹇夫夫折幸遺一男如長大成人則嗣

續宗祧亦可紹箕裘而綿家聲媳雖愚亦畧聞三存

之說甘願孀居守節養老撫孤以慰堂上之懷報泉

下之義從此荆釵布裙不苟言笑事舅姑先意承志

量租計傭秩然有條課子入塾嚴戒嬉游凡立身處

世多鬚眉丈夫鮮及處孫四率內潤外胡循規蹈矩
皆節婦之報也

陳氏梁順娃妻居邑東鄉盛家坪六歲聞鄰家子讀
書頗愛之惜無女校遇有知書者來家即問女子應
讀者何書告以女兒經女論語等書遂求其父力購
之見鄉者識字者詢問再三越兩年所如皆讀且解
其義故於婦女應盡之道洞悉無遺焉然沉静寡言
若無所能者其幼而好學有如此年十七歸梁姓夫

儒家貧鄰患配非其偶迺陳氏至其家衣百結食藜藿晝而耘田夜而締麻詒如也間有佳餽輒留以進翁姑未幾翁姑相繼棄世其哭泣之哀無不盡禮後事叔父母一如其事翁姑初于歸時夫屢晏起較於耕耘恆婉言相勸勉以興家之道且曰不如是有忝為子為婦由是翁姑樂其孝丈夫稱其順鄰里有友目來相訴者悉曉以大義其事親相夫睦鄰有如此

民國十三年腊月其夫因納冰暴卒節婦拊胸號泣

遂盡已所有將衣衾棺槨料理完備鄉人驚駭每勸夫已逝矣汝當活人度日節婦不應日未終即哭不成聲水漿不入口親戚迫環勸慰似有回生之望惟語人曰如翁姑未逝尚可以事親子嗣若有尚可以撫孤翁姑逝矣子嗣無人夫又若是生何以為與其苟延於人世盍若相夫於九泉之為得也勸者曰是則是矣方今世風日下富貴之家咸以死節為迂汝或死節其誰知之氏曰我生不辰又求誰知俟命而

已先是節婦踴躍甚急防之亦甚嚴嗣婦力竭氣衰
守者精疎見其愁衣修容鄰親心為之放迺於夫歸
寔之翌日潛投水窖而死越三日合夫葬之其從容
就義有如此

何氏郭壽庵之妻夫亡子幼氏安貧課子守節三十
餘年子成立壽終古稀

馬王氏夫亡守節終身光緒三十年請旌

周龔氏守節四十餘年八旬有四已請旌

侯瑞妻劉氏孀居同治三年回亂賊欲辱之氏罵不絕口至死不屈

侯甘崇妻張氏年二十餘夫死誓不飲生哀慟過甚未匝月而卒

李李氏武庠李清標之妻生子方十歲而夫卒戚友咸以家事為慮謂婦少子幼不能維也氏拊棺泣曰蹈白刃而死何若撫子成人而後死夫已逝矣教子惟我埋家亦惟我後十餘年家之商業日盛農業亦

興隆師課子終以成立修夫墓泐石以誌不朽卒踐
拊棺之言閭里稱之惜不幸而夫早亡遂以節顯也
已請旌

李李氏武舉李豔標之妻年十六歸李門生一子早
夫未十載夫病急鄰人曰糞之甜苦可驗病之愈否
氏即嘗其糞泣而憂之夫卒族人欲奪其志終不屈
或曰無子何依氏曰守節在心豈關子之有無手若
有子而守無子而去是守子也非守節也勸我去者

皆以財溺心便以我為障礙數年後我就木焉豈能
帶去一文乎族人慙而退甚節四十餘年內外無間
言並修夫墓泐石以垂久遠已請 旌

馮尚氏前平涼畜稅局局長馮應元之母也肅容端
謹持身潔白青年賦黃鵠矢柏舟節平生喜作善事
負債纍纍氏不之怨日惟苦力耕田夜獨針黹積存
餘貲恣數償清債主至今氏子應元克承父業皆節
婦之教也已請 旌

論曰薰膏就燼委灰逾芬卷施在陸拔心不死嚴
霜戒塗斯貞幹揚其勁節矣明清遞興名教彌厲
若康氏之墮崖殉節張氏之炮烙不屈勝芳首陽
又其慘焉者至迺遭逢多故丁此化離闔門引節
赴死如歸姑媳子女并命同日智井之迹將夷綽
楔之旌未逮柳氏一家尤足傷焉

賢母

張劉氏歲貢張漢三之妻將軍兆鉅之祖母也幼有

英氣年十六歸張門事太翁姑及翁姑能盡婦道同
治回亂氏携鄉鄰婦孺匿崖窰中賊炳薪薰窰氏當
窰口左鬢受創猶手持簸箕盡力扇去烟焰眾賴以
免賊又從崖上穿穴幾達窰頂氏情急手執繩令其
姪及眾縋而下逃去者十八人而已預備自焚適夫
漢三得信率團至奮擊賊始退未逃者得全後避漳
縣西和兩姪俱孩童背負懷抱備極劬勞終不忍釋
嘗與其婦為人縫紉或耘田以為養治家嚴而有恩

處婦姒無間言賊平歸里恢復先業劉氏之功尤堪
沒世不忘云卒年八十 已請 旌

趙氏知事楊景熙之母也性慈惠家有餘積即分散貧窮
每遇荒年施米粥致倉箱告罄甚至將家需米糧一
升半斗散賑青黃不接之時且器重英豪凡與子景
熙交遊者遇名場無貲應試者氏為量力贈助以故
鄉里稱為賢母 已請 旌

李氏拔貢周文炳之母也年十六歸鳳儀為妻畫出

耘田夜入折麻家貧無燈每於月下補衣對香火以
穿針遇農忙雖手腫不輟也事翁姑昏定晨省無時
或缺姑病奉侍湯藥數月不就寢逢有佳餚奉親之
時即遣孩童避席而退食畢姑得就側子自學校歸
必命背誦所課之書夫好施與遇善舉氏即贊成之
已請旌

楊景熙之妻王氏事舅姑至孝姑疾常侍湯藥自歸
楊家以至姑告終之年氏已五旬有二孝道未嘗稍

缺姑在日性最烈子孫有不勤讀不力耕者鳩杖重責氏代跪請罪侯歆頗方起閭里稱之已請旌

章氏張萬清之妻也年十四于歸時亂家貧每得菜羹糲飯忍飢以奉舅姑舅姑愈加憐愛其避亂而之西和也晝從妯耘由挑菜炊爨夜執絨紉如是數年亂平返里姑勤於治家氏嘗請息勞遇事務以身代處婦似悟然敬讓既而舅歿姑亦寢疾夫忽去世氏茹哀忍痛猶復躬侍湯藥勉承色笑秘而不使姑知

其孝而識大體類如此今其子兆鉀現任隴東鎮守使晉加將軍皆賢德之報也 已請 旌

論曰自劉中壘傳列女苑蔚宗因之列於正史然婦人無外事除貞節之行猶得援例膺旌而賢懿明淑之德不出畿國徃徃失傳幸而子孫顯達倩名人碩士為之表揚使有藉而永於後然亦僅矣晚近士子喜新厭故自命不凡一旦臨小利害輒趨然趨避不復顧忌甚或好貨財私妻子不顧父

母之養其尚能周人之急濟人之困乎而里巷婦
女非有稭狄之榮詩禮之教茹苦甘勞與之終身
忍飢以奉高堂机紡以訓兒嗣苟有所蓄恤孤賑
貧毫無吝色其賢不肖何如也嗚呼可以愧矣

藝文志

渭僻處萬山中名賢韻士罕至故題詠絕少採訪所
及皆令及邑人作外有十數篇疵類疊出尚恐不無
託名謹按其有闕風俗人心者補入餘汰其十之五
六焉昔賢纂崇義藝文云非好棄瑜聊為作者臧拙
猶此意也夫其古碑辨不清二十字者附列篇末以
存金石之名耳志藝文第九

文類

重修縣治文堂碑記

占吳張宏斌

予自乙卯奉

命牧茲渭邑蒞任時正在兵燹之餘空城圯主滿目
蕭條咸無足述舊有堂第三楹迺緣年久圯塌僅存
其半每出堂視事晴則日光滿案雨則滴溜盈衣摧
椽敗瓦時聞擲地之聲破壁類坦常作吟風之響柱
底苔班如畫檐前萊草生香難乎單父之琴堂邈矣
河陽之范縣予雖澹素為懷不求工麗第閱一邑觀

瞻殊無體統自捐廉俸並謀之閭邑士民共相樂助
構木岷山肇工於壬戌之秋落成於癸亥之夏擴為
大堂五間復作捲棚三廈畧成規格少佐威儀蓋非
得已而勞吾民傷吾財蹈魯人長府之為也聊作此
以述記其事康熙癸亥端月上浣

重建文廟碑記

康熙時

邑人張懋相

竊自聖王御極欲使風俗純美治化翔洽莫不以敦
倫飭紀為先興學育才為急故自唐虞闢門三代貢

士其始未有不薰陶乎庠序之中而後至於有成也
我國家以文教治天下首重學校國學之外設有府
州縣學即僻壤遐陬辟雍鐘鼓之盛咸彬彬乎質有
其文焉渭雖越在邊徼舊有文廟學宮歲久頽圮
先師聖像風雨不蔽齋署傾壞講學無所更遭兵燹
之餘一旦鞠為茂草彼都人士未免有佻達城闕之
憂歲乙卯邑侯松陵張公特簡來蒞茲土禮廟下學
之餘目擊坍塌荒涼慨然以重建為己任時兵行倥

德輓輸拮据而未逮也乃謀之諸生成踴躍興起遂
約會輸資越癸亥冠平民請公迺捐俸鳩工庀材度
用重修大成殿五間明倫堂五間兩廡雖仍舊而戟
門櫺星照壁煥然一新自甲子經始而乙丑落成焉
嗚呼膠庠古制代有興焉而起敝維風非毅然任重
者未易語此况當兵革之後哀鴻甫集撫字維艱而欲謀
興建亦又難矣惟公則不憚勞瘁獨以全力主持不
煩里役不費帑金而一時廟貌巍峩宮墻輪奐將見

園橋門而至止者習威儀俎豆之容覩禮樂肅雍之
盛莫不嘆我侯興廢起墜之功於不置惟我同人願
仰体盛朝右文致治之法建學作人之意修明礼教
敦叙彝倫務使風敦俗美庶幾不負我侯兩載經營
十年造士之深心也相不敏爰誌其事併列捐俸輸
資姓諱於碑陰以垂後云

前序

邑人李喬棟

渭邑文廟創自金遼歷元至明三百餘年雖其中神

像儼然而卑隘傾圮之狀荒蕪露處之感誠有令人
不堪瞻視者天順間會東魯楊公以風流不羈之才
來蒞茲土拜謁後慨然有志捐貲重建即一時魏峩
之像不必聳親大抵煥然一新於昔迥不相侔今值
朝廷定鼎之後逆狃叛亂渭以山城介兩大之間兵
戈羽檄日不暇接及妖氛誚定而吳逆南叛賊匪響
應靖逆侯率兵征剿朝廷下長才卓異之敕督撫特
書交荐舉我公來令茲邑方下車時城闕居民逃竄

四鄉縣治寂無一人我公領健兒教人日坐琴堂夜
宿樓櫓人不解甲馬不離鞍者兩月有餘時大兵屯
駐文廟學宮竟成餉兵飼馬之所正殿木朽瓦摧兩
廡敗壁頽垣以及墻壁門榻踐踏無存後幸逆臣授
首四野澄清歲癸亥我侯步至津宮召諸生議舉重
建捐俸購金遂有任事同人鳩工庀材日省月試助
弼我侯竭蹶從事一載之間大工告竣其朝夕不倦
贊襄盛事者則有司鐸張公同心協力不啻始終其

丹堊之輝煌簷牙之高喙猶其後者耶邑侯張公諱
宏楫字尔全江南姑蘇名家司鐸張公諱淑孔靈台
巨族二公文章事業足以追蹤古人流芳史冊此建
修黌宮持一事耳故勒石以並記不朽

重修文廟勸捐城鄉序
光緒時 石懷璋

蓋聞俎豆千秋祀隆典禮宮墻萬仞高壯觀瞻入門
則規模廣大造室則制度整齊玉帛鐘鼓禮樂著敬
和之象杏壇泗水文章生道德之輝惟

孔子前繼往聖統堯舜禹湯文武之心傳後開來學
衍詩書易象春秋之奧旨夫固啟天下文明之會垂
萬年教化之功德蓋天地道冠古今上而天子被袞
冕服黼黻敬修享獻下而膠庠歌泮水奏辟雍恪荐
馨香蓋自周魯創始至國朝而大備凡建邦設都
主官布政之區皆為之作宮立廟所以振興人文倍
植地脈而光昭天縱之聖也我邑先民在昔
聖廟亦甚壯觀經狃氣蹂躪遂成焦土克復後起建

便殿一椽風銷雨蝕之久幾乎傾頽每屆祀典權借
城隍廟委曲行禮殊非尊崇之盛典邑侯竇公下車
見城鄉寺觀皆尚可觀惟文廟闕地方文運之盛
衰而宮墻殘敝荆棘叢生急欲請上建修奈時事維
艱帑儲支絀未敢輕事文墨遂首出倡捐並飭本城
紳士鄧榮高楊景熙監督鳩工早成善舉第堂高教
仅非一木能支所賴閭邑士庶慨助囊金俾集腋而
成裘以隆報享以伸景仰則他日人文蔚起科第蟬

聯當由此肇始也

重修渭源城記 有碑

江右陳鴻寶

渭源為甘南出入孔道襟山而帶河南界鞏岷西連
河狄東北則緊接安定地勢崎嶇民習殘羯號稱難
治又近有秦川之變群不軌乘間竊發蟻集而蜂起
者比比然也邑城孤懸至岫危矣歲辛亥冬余束宰
是邦籌辦城防團練保中幾無虛日稽巡之際登城
以望卑狹如斗高不踰仞雉堞崩剝童子狎遊四顧

荐莽心賊之已訪諸耆老蓋先年嘗議增繕業鳩材
庀工未半輒罷因循數寒暑日就頽圯無怪也余曰
盍修之於是群皆躍然有議改而今宜沿者有議仍
而今宜益者有議堦墻單薄而宜厚寔者有議委土
覆篲而宜寔甃者有宜稍高其垣者有宜稍葺其罅
者有南北二門向無樓宜增崇者余一一酌之乃下
令曰城以衛民悅道使之矣吾輩作事須謀始用物
用民苟無經緯大功不成究為民病今與諸君籌因

石於山因灰於石因木於林以陶以鍛是天地自然之利也若公家之役幾何移山填海拘迂鮮通成將何待今計邑以庸計庸以丁更丁以日程日而休是子來丕作之象也毋苟簡毋飾文議改者非壞不得更議仍者既壞不得漏單者厚土者甃瓦卑者崇罇者葺無樓者增丈咫揣算毋冒外甃瓦內土無瑕城上之垣累其甃瓦候敵之台隆其址規畫既定民咸歡欣趨治鞏而先者慶窳而後者讓按日計工課直售食登

登言言椽椽索索埏人獻甃瓦砲人輸石鍛人呈灰柞
人伐卉梓人奏槽凡百工役磚甃磁鑊畚揭餼糒之
屬翕然競趨蓋六閱月而告成計因一千餘緡余乃
躬環周視崇墉修整雙樓聳峙百堵山歸然炮台三更
柵十有二堞雉五百一十有六鞏若盤石固若芭桑
是足以銷不靖備他盜無患矣竊思渭邑地瘠民貧
風氣遲開讀書者寘商務不講戶鮮因廩之積人無
固結之心雜以外來客民輕易煽動非久安長治之

區也故而望烏鼠則慕大禹之功東顧首陽則感夷
齊之義古人雖往古蹟堪思所望賢豪發憤映帶礪
以垂名章縫樂道假竹帛以昭志斯有形之城既完
且固而無形之城並為不朽耳是役也稽核商確和
衷共濟皆諸君之勞余則何力之有聊記之以示來
者

創修閔岳廟序

廩生陳德源

緬昔建安之世曹氏專橫建炎以來金人屢寇漢鼎

幾傾殆始於桓靈失政宋綱將墜堪嗟夫欽徽蒙塵
幸賴壯繆大義力佐炎劉更欣武穆精忠匡扶皇宋
破阿瞞於赤壁江上奮驅赤兔禦逃敗兀朮於黃天
蕩中誓抵黃龍痛飲四百載裡祀纘承先帝為之正
統十六州河山恢復高宗是以中興迄今崇德報功
千秋血食曆代褒封加謚萬世尊榮茲當民國肇興
欣建閔岳合祠率土皆遵各郡縣既成寢廟普天同
慶凡兵民共仰神威奈我涓特無告廟未隆祀典於

二公靡妄厥靈莫熱心香於一瓣神何錫福豈來伯
有之敬焉民離常懷幾慨若教之餒於是糾合紳商公
同酌議乃在城南廟坡之山下於山右之麓位屬雷
門正合奉其閔岳星應天罡偏教鍾此地靈無如
土木方興知落成於何日以此匠工預計慮經費之
莫支愧無阿育之能造塔誠難役鬼縱有給孤之址
覓園不得佈金是故命來馬是用賣募疏敢為報告
鷄人求勸勝事或為大宰官身分許其紫標黃榜或

為大功德主慨助以白鏹朱提乞書一帖尉遲勿吝
庫錢願指連因子敬樂施家粟成斯美舉強修戴達
新居結此善緣膠贖魏徵故宅分九州之水流作大
川合千佛之燈混成一色好教造父運來庀材有白
鹿貞松青牛丈梓待看公輪奏技不日見飛梁虹架
浮柱星懸刊斗供若侏儒或驚天工巧奪錯彩華於
棖桶或訝人力神奇用酬靈爽蒙庥乎正直聰明咸
走村翁報饗乎歲時伏腊不亦崧嶽降生起名將有

李晟李廣可知徵祥必驗著武功如吳玠吳璘予私
心奢望拭目適觀不慚譎陋敢序簡端

侯氏義田碑

狄道張椿齡

古之所謂祭先祖者以收族敬宗為要每歲時伏腊
相與拜奠于墓既奠列坐其次俾得盡懽忻愛洽蓋
以春露秋霜之變而感其奉先思孝之誠聯其一本
九族之誼然而求此風于今日殊不概見者何哉祭
必有其物物必惟其備牲牢酒醴香燭楮幣瓜壺果

菰荀不取諸公而私為措必將有參差之數夫物既參差矣而情之親者亦或因之以疏此仁人君子所以慨夫今不古若也然則祭田之設豈不急且重哉祭田者圭田遺意也圭田者卿大夫以下所有也似非無位之士所得擬不知勢分雖異而木本水源則無不同縱不能受之朝廷而苟自為措置馬或亦王制之所弗禁首陽侯氏望族也世以耕讀傳家明經進士景商公尤篤孝積行善事捐修永濟橋文昌宮

首陽書院諸義舉功既竣因勞致疾尚欲置祭田纂
家譜立家塾而有志未逮也易簣之日呼子殿士姪
殿公而告之曰祭田者吾未歲事尔輩其成之殿公
等謹敬受命因先祈沃壤若干畝為常家灘元寺灘
祖塋祭田每歲拜掃所需悉取諸此有餘則以祀神
給鄉鄰之貧乏者規模既具屬椿為記泐之石椿自
顧淺陋何敢率尔第誼屬姻婭親承長者之命敢不
援筆而為之書抑竊有辭焉詩有之孝思不匱永錫

尔類今岳伯叔父既体先人之志置祭田以崇孝思
次將纂家譜以明世系立家塾以授祖訓是真所謂
能錫尔類矣椿知侯氏後子若孫亦必体岳伯叔父
錫類之志而遞傳于數十百世各盡其懽忻愛洽於
歲時伏腊夫安見古今之人不相及也椿不敢妄為
臆說敬祈採擇焉

建修永安橋碑記

劉椿年

竊聞陰隲文云修教百年崎嶇之路造千萬人來往

之橋足見修路造橋陰隲事也查洮陽寔隴右之名
區官堡尤屬渭川之雄鎮浮橋古建永寧虹橋繼有
永濟東由關隴西接河湟南通蜀漢北達金湯洵左
右通行之衢道惟夫山峽口兩河橫波每逢暴發誰
普慈航如遇寒凝衆皆裸渡目覩情傷誠堪憫惻前
人恒患河水欲利康濟惜其有志未逮茲有善士趙
公應昌愧平生之鳩拙承縣令之鴻慈倡捐督修會
同樂助即於双扉開合之交兩岸接連之處覓集鳩

工試裁燕剪新修永安橋二洞以利同行洵陰隲人
也自光緒庚寅擇辰興作大衆趨從鰲背津梁功憑
二子之負虹腰砥柱咸賴五丁之鞭勞修神廟力挽
狂瀾上蓋橋亭久蔽陰雨越三年而功竣利萬古之
衛亨夫而後履道坦坦來往悠悠溺阻無虞冰凝何
畏遐迹咸與蒙庥陰隲因而無量是皆行人所傾心
者也所有工程資費另匾告明謹將義舉勒石垂名
永彰不朽

渭水發源說

邑人龐煥昀

地志渭水出隴西郡首陽縣西南鄜道元云渭水出南谷山在烏鼠山西北今水經曰渭水源出臨洮府渭源縣西二十五里南谷山至烏鼠山下轉而東流經渭源縣二里今按漢之首陽縣東距今渭源縣四十里其西南當在今隴西縣境之蒲家河汪家街等處與後之言渭水源者不同豈以彼處溪流當之歟抑或西南二字有誤歟均未可知也至鄜道元與今

水經之說大致不遠後之言渭水發源者多主其說
今試就山川形勢顯而易見者採取言之渭源地勢
邑西北一山起西南之半里坡地方直趨東北長約
七十餘里山尾之陽邑城在馬山前之溪與山並行
名清源河山後之溪邑山尾而前名後河清源河自
西南來經邑城之南至東隅轉而東流正當折轉處
有此來之水名後河者注之去邑城不及一里今依
因流溯源之說由二水相會處先探清源河上行六

十餘里至鹿園之地再上有數谷為池溝香水溝紅溝火峴溝四谷水出合為一溪直下過溫家川經邑城南長六十餘里而上游四谷尚深數十里則合諸谷統計不止六十餘里也次由相會處湖探北來之水北行可半里有二谷之口相並而出由谷口北入為劉家河深可二十餘里由谷口西入為後河行五里餘又歧分三谷一北入為王家店溝深五六里一南入為馬兒藏溝二十餘里一西入為果園溝深十

餘里果園谷之上游山呈翠微形當山之半坳窠之處有水滲地而出居民培壅為三區如品字形稱為品字泉人多以此泉為渭水直源傍建祠宇奉大禹之神逢水旱則詣廟祈禱馬品字泉滴滴之水行十餘里出谷會馬兒藏及劉家河諸溪入清源河惟是馬兒藏劉家河諸溪均挾泥沙其水常濁且旬日無雨即涸而不流而清源河水頗大必得橋梁以渡嘗就境內局勢觀之似宜以清而長者為正源微而近

者為傍源然昔人卻以果園谷水為正源者或自有其說而今未得其詳也夫叢山之盤互也遠觀聚處不啻千歧履勘上探究屬一本由一本而下拓枝幹頻分轉折屈曲峰峦密比橫斜拖連蓋所出固在一方而下趨會集每在數百里外故渭水所出雖非一處而詳察發源之山之脈絡諸山究為一係迤來與地家鄒代鈞之言曰岷山之分水嶺岷江東源出其南渭水南源出其北其辭簡而該足見清水所出之

梗概矣

鳥鼠同穴辯

狄道吳鎮

按鳥鼠同穴是一山而四字名者禹貢導山條內西
傾朱圉鳥鼠此舉偏名蓋與西傾朱圉列舉不得不
摘二字名之也導水條內導渭自鳥鼠同穴此舉全
名蓋單言鳥鼠同穴則可以備舉四字名者也孔氏
尚書傳曰鳥鼠共為雌雄張氏地理志不相牝牡其
所以註鳥鼠異也其所以註鳥鼠同穴則一也亦雅

鳥鼠同穴其鳥名鷦其鼠名鼯山海經西山經有鳥
鼠同穴之山郭璞註二書皆云鳥常在外鼠常在內
共穴而居故山以是得名又有鳥大鼠小之說通志
首陽西南有鳥鼠同穴山渭水所出今臨洮渭源縣
即漢首陽其地有鳥鼠同穴山凡此皆經文傳記可
證可據者然則鳥鼠為一山明矣而或者必欲別而
二之以鳥鼠與同穴為兩山不惟使此山一山兩名
且使渭水一水兩出不亦鑿而無據乎為此說者其

亦少見多怪以為四字不可名山也然則岍岐皆山
王屋底柱皆山而烏鼠同穴豈非一山歟變而推之
共職方氏之醫無閭春秋傳之華不註以及山海經
之鯨于母逢猗天蘇門皆不可以為山國語之雲連
從洲山海經之思士不妻思女不夫皆不可以為國
為藝而必析之為二離之為三然後可耶故烏鼠同
穴之可一而不可二也昭昭矣然或稱烏鼠同穴或
稱烏鼠而必不可單稱同穴者此又何以故也蓋言

鳥鼠則同穴之義見言同穴則鳥鼠之義不見

重修禹王廟碑記

江右陳鴻寶

禹貢載導渭自鳥鼠同穴自是水源既清投其所適
行安矣余辛亥冬來知渭源事越明年二月至三月
中旬不雨綜覽地勢渭河繞其南距縣城西二十里
有所謂品泉者品泉之上禹廟在焉余肅然而思神
之至者其精不息物之大者其氣必神往禱之邑弟
子拔貢周文炳廩生王鳳翔耆老章錦瑞等相與登

廟門以望兩山巍聳十仞樹木蔥蔚從斷崖下至山腰三泉出其間形類品字折東南而下蓋泉也夫若有鬼神之事焉時三月二十七日禱輒雨四月初一日雨初六日又雨諸君揖余曰禹之靈也廟雖新未有碑焉請書其事余穆然曰禹之德在萬世又庇吾民食其福者不忘其本此君子之言也登禹廟不念禹古人見舞大夏則美之微禹其魚之思抑又何哉因敬摘鼓語勒諸貞石載繫以詩詞曰巍巍神靈功德

莫名聳如嵩華昭如日星水源不塞民乃力穡烏鼠
之山品泉之側禦災捍患廟食茲土遭逢太平復新
斯所廟寓靚深神明赫臨窮碑砲立亘古亘今

清聖祠碑記

黎之彥

伯夷叔齊逸民之首行誼見於經傳盡人皆知宣尼
謂餓於首陽之下民到於今稱之東髮受書讀論語
至此輒以身不至首陽為憾申寅秋游隴上適奉檄
守渭渭故首陽舊址竊喜清聖之遺風宛在行將仰

高山而誌景行迺一攷首陽遺跡則榛烟零露老青
荒翠之墟民無得而稱之湮沒不彰猶可說也曾清聖
之風彰彰在人耳目而顧若是嗟夫世運衰微名節
掃地西山薇蕨精光一隙夷齊不首陽仕新朝若輩
之富貴自知也甚或後然以勝朝遺老自居托跡清
流而挾其重賞以入他國藉者猶得苟全性命歎我
清聖生為餓夫死竟不獲血食竊意首陽山之下有
鬼神躑躅歎息於其間耳古之民薄千駟而弗視今

則貪廉莫辨富異莫分古今人之不相及如是亦邦人之羞也是用與邦之士庶約敕修清聖廟於老君山麓俾餓而死者死而不餒焉我邦人其亦有聞清聖之風而興起者乎是為記

重修雲盤寺碑記

歲貢何大素

雲盤山寺由來久矣每歲正月元宵山下居民禱子孫祈佛福者接踵於斯蓋一勝境也聖母洞舊在山石滴水盈崖石沙剝落難以延久令移山之中央育

像壁畫煥然一新大佛洞崖上幕石隕墜而佛像傾
折今改移舊菩薩洞復鑿石六尺許以蔽風雨石柱
二条以承之崩裂庶無患矣菩薩別建山左洞幽邃
靜山僧得所棲托遊人至此釋凡襟接清談坐臥其
間不厭也至峰灣隱秀處佳勝頗多踵事增華是所
望於後之人焉作斯記

重修雲盤寺三霄玉皇洞記 邑庠生張彩

雲盤古寺佛閣凌嶒仙槎聳峙馨香昭代俎豆聿新

法雨慈雲千百年咸沾駿惠光天化日數十家共沐
鴻慈嗟呼滄桑忽變灰火橫飛椽棟日頽僧徒雲散
壁中羅漢因待漏而滴滴含泣座上喇嘛或因風而
聲聲流怨覩廟貌之寂寥莫此寒心觀佛像之蕭條
安能袖手始捐數斗錢穀之資先修三霄玉皇之殿
雖鴻舉之未成章鳩二之已竣

五竹寺說

秀峯山在鎮南河之南形若大環獨缺其北周十餘

里隨地異名而鍾咀泉灣安而窪九個灣雷祖灣尤
檀其勝蒼松翠柏布滿子坦崖畚嶂間蔭隆葱翳蔽
遮天日古於山口東麓之側建蘭若一自明亡臣郭
節挂錫後採南山色澤不同竹五種移植禪院因自
號曰五竹僧此五竹之所由來也迨後疊遭地震殿
宇毀圮節亦圓寂其子若孫並其徒衆克承衣鉢於
懸崖陡壁之上鑿數十洞龕塑而壁繪焉於是祈佛
福遊風景者以秀峰為日的地而蒞渭者恐節之孤

忠亮節湮沒不彰也又大書特書焉恐其後裔罹靡
子之禍遂額之曰五竹寺所以憶前賢垂後葉蓋有
深意存焉此五竹寺之所由來也而秀峰之名乃移
寺於山巔時始有之耳夫郭節者明靖難之兵隨建
文出亡之臣也建文於夏六月庚申十三日未時由
癸門出比時願扈駕者二十二人節其一也君臣奔
竄崎嶇晝伏夜行歷滇南巴蜀建文至樂都之瞿曇
寺乃祝髮從者或緇衣禮佛或黃冠學道或傭身為

人奴分散于河湟狄渭各地率皆不言姓字如程渝
稱比邱葉希賢稱道人趙天泰稱天肖子然諸人之
姓氏爵里俱載于史仲彬致身錄中致身錄雖不傳
攷之明陳眉公致身錄序清吳雲菴葛衣祀記可識
其大凡矣節始為干敬溝董商戶僕後家於郭家灣
晚乃為僧今其裔數十家皆供五竹僧像續僧不絕
詢像何人曰吾遠祖不知其名相傳明時保過皇上
者此少讀書之罪也不然數典而忘其祖者也而妄

自揣測者又謂五竹係孤竹之訛竟尔勒諸貞珉歎以魚目而昆珠可乎哉寺廢於同治之亂洎乎光緒武舉李錦標重事增修即其舊濠接以虛廊橫欄懸柱明椽亮瓦一連四五十楹鱗次排列其規模之宏廠輪奐之奇特渭寺中固無其匹而林木之幽蒨山石之怪異又達人志士騷客農氓凡遊其地者未有不翛然動出塵之想者也

重修雲盤寺序

雲盤山在渭源縣之南懸崖峭壁形勢雄奇若赤霞
之橫空矗入雲表若虬龍之蜿蜒袤亘逶迤若虎豹
之蹲踞山魏崿嶄嶄其噴雲泄露也由來久矣昔者嵌
岩為殿儼然洞府石天棋布櫛比然不知始于何代
或者古時仙家服氣煉形之處如封神所云某名山
某洞府之類亦不可知康熙時曾重修之迨同治花
門之變毀于兵燹至光緒辛丑歲鄉人張君進德等
仍舊遂修葺玉皇三霄二洞迄今又十餘年矣值鼎

革之際政煩賦重民不聊生寧有餘力以致美乎梵
刹者哉及民國十一祀有馬善人者挂褙於茲即有
志於招提蘭若並傾囊以助塑繪之資但棟椽樑桷蓋
瓦級磚需費浩繁力有未逮遂商諸社會衆謀僉同
乃醵金而勦其勝果於是鳩工庀材越三年大佛洞
老君洞雷祖洞先後歲事其未竣者復由社首常進德
蘇生榮等募化隣鄉擬亦次第落成從此凡百靈爽
有所憑或風雨時年穀登瘴癘除災殄滅毒出猛獸

以驅以逐旱乾水滂以豁以免即穿窬盜賊之屬亦必消之過之誅之殛之惟神之是賴也是為之序

漫平山重修雷祖殿記

渭南三十里有山焉能出雲為風雨而名則埋沒不彰或曰超然渭與狄東山一脉故狄所以名書院或曰朝元謂原名圓山俗進香曰朝某山久之遂成一名詞後又易圓為元然而碑碣湮滅文獻不足近山居民呼之漫平寺鍾鑄於清乾隆間序亦載漫平余

因得兩名之曰漫平山間嘗登漫平之頂北望烏鼠
大禹疏鑿之功地平天氏南顧首陽夷齊揖讓之德
求仁得仁乃鄉之人断断然不於彼而於茲建廟宇
塑佛像齋醮演劇者豈不以山陽諸水東注於渭山
陰諸流北匯於洮者乎由是知漫平寔洮渭之分水
嶺不僅環山八莊之屏蔽抑亦狄渭兩縣之保障也
山有廟曰雷祖殿創清初時同光花門之變燬於兵
燹至光緒戊戌歲鄉紳王榮常淑等按依舊址建雷

祖殿三楹戊申歲常俊劉生財等又建牛馬王殿三楹越巳酉建東西齋房共六間戲樓一鐘樓一風雨侵蝕迄今瓦頽垣敗益以近年地震梁柱敬斜而滴漉滲漉塑畫皆漫漉剝落矣於是衆議舉劉君興汪為監工首事重修繕葺斜者正之缺者補之漏者塞之殘毀者塗泐之神像之陳舊者新鮮之神體之矮小者高大之越三月而工竣巍峩堂皇局面一新于以妥神靈報神庥儼然一方之勝概也後之人若愛

惜而踵新之其庶乎不為山靈所唾亦抑不負先民
創造之辛苦云尔何沾沾名為乎故記之

祭蚘蜡神文

邑侯楊震謨

先嗇先農在禮有報功之典迎貓迎虎惟神職除害
之權竊見渭當兵燹之餘瘡痍未復加以歲收之歉
飢饉荐臻官斯土者心何以安今歲良苗猶為暢茂
但春夏之交既永懷於陰雨斯麥苗之秀仍箔蝕於
昆虫此固守土之深憂而亦民人之大恐也伏祈明

神呵護俾虫賊之潛消庶幾歲事順成致農夫之有慶則神之所福佑此邦者為無盡矣

創修魁星閣序

袍罕陳德源

首陽古驛渭岩舊城

宋熙寧時改渭岩為通遠軍

分野和星介居洮隴憶

昔採厥於茲問他鉤璜何處鳥鼠名山夏禹今存其廟熊羆兆夢姜公昔有其祠不料紅羊劫換世界變昆明之灰猶如銅馬冠束寺庵為妖廟之燬則有城南老君山者西接秀峰北鄰紅豔南橫鉞峪東列長

城本山林之勝境作渭邑之南屏前經重建梵宮今則歷多年所古剝荒涼不僅山靈減色上方坍塌亦非城邑壯觀幸有劉君信臣盧君九峯移舊八卦之樓改修魁星之閣倡為善舉專此責成陟彼山巔卜其地址覩危崖之形勝疑地中湧出鰲峯登突兀之岡巒恍天外飛來鷲嶺因地制宜費意匠經營慘淡參天架木賴神工結構莊嚴駕瓦虹梁刻期可待雲扉松角不日而成梯引飛虹登臨則去天尺五堦容

旋馬開拓則闢地三三既到遊人無須問洞天第幾
更臨高處亦得瞻氣象萬千四面疎櫺望江山之勝
概一聲長笛倚曲屈之危欄任他黃鶴飛去凭我元
龍卧來暇日銷憂遠望仲宣作賦摘星得句更邀謝
朓題詩况乎奉六曲之魁星祀萬年之香火助斯地
文風蔚起千秋之文運宏開期他年人傑鍾靈一代
之人才間出渭源可作詞源滾波瀾於筆下同穴即
為禹穴得蝌蚪於案頭所以魁星照耀定應大魁有

七士氣秩然必產國士無双登此樓也知創建之有
因美哉功乎信落成之不易而今棖題華麗土木竣
工固與南朝四百八十之佛寺並得其名更同阿育
八萬四千之浮屠共爭其勝予宴漳水而才非八斗
敢措詞於銅雀台來洪都而風借一帆聊為序於滕
王閣庶學士文人所游覽溯厥由來亦信臣九峰之
偉工傳於不朽是為序

募修岷峽川學校引言

蜀北黎之彥

國家何以興興于人才人才何以起起于學校校之制在我國成周時代最為詳備庠序由來舊矣科舉興而學校之制亡禮失求諸野外人遂以無教育非笑我國人我國文化最古豈無教育只以人私所學遂致教育難周其程度高者百人中不無一二餘則一丁不識昧然從事於農工商各業以此處競爭世界而與愛國民教育之人民相比致無感乎既貧且弱漸進于滅亡也甘肅一省古時文化發達所

謂羲皇軒桑梓河嶽根源誠非虛誣海通以來江河日下風氣之開通逆流而上黃河一帶流域以揚子江各省比較相形見絀古所謂化民成俗必由學我甘人其可以與矣渭邑建置最久退化寔深前清回變以後文獻蕩然無存清末該學有名無寔近以大局指安教育促進邦之人不以余為不學各區爭自建設學校自官堡南區改建第二高等小學校後岷峪又有建修初等小學校之舉余既喜諸紳之熱心

公益乃兩次考查覺是區之山環水抱學生之氣象
仍復光昌將來必有人才出手其中不可以其小而
忽之也雖然官款有限民力維艱居今日而籌學款
衆藥固屬易舉來源尤宜深思為培植子弟計豈能
惜此金錢為桑梓公益計尤當妥為經理余故樂為
提倡俾父老兄弟慷慨相助庶學校早日觀成而又
為諸執事勗他日者學校發達人才輩出豈惟邦人
之光鄙人亦與有榮焉是為引

總兵姚公墓誌銘

石懷璋

公諱正高湖北黃州府麻城縣人也賦性剛直勇絕
無倫咸豐末以少壯投軍適甘肅狃亂不靖荷戈西
來戰勝攻取勞苦十餘載著有偉績歷保總兵並襲
勇號久為開字親兵中營中哨長馭兵奉上有名將
風焉光緒改元狃氛盪平公守功成急退之義擇居
渭城賣劍買牛躬耕南畝隱販魚鹽不數年而家道
小康惜膝下乏嗣晝夜焦灼然公素能好義憐貧有

汪姓被恩無報遂以其子過繼上承姚氏之嗣公幼而忠壯而勇老而好義報國治家有不風高千古哉是為誌銘曰

偉偉哲人有虞之裔虎畧冠時豹韜濟世鍾靈南鄂奮績西羗威加敵愾德洽戎行耿耿矢忱堂堂破陣麟閣像圖雲台爵晉懷珠鑒事抱玉持躬慕元亮節追范蠡風鼠山之陽渭水之涘景樂桑榆情聯喬梓如麟在野如鶴在松優游歲月閱歷秋冬頓釋苦辛

漸週花甲古玉塵埋靈芝雪壓封之繡壤樹以文楸
子孫繁衍永紹箕裘

康太老孺人殉節暨

楊公
王孺人

殉難碑記

石懷璋

孺人康氏者楊公諱鳴鶴字九皋之元配公諱繼杰
字偉人之生母也廩貢生楊景熙之曾祖母也係名
門淑女當于歸時即嫻女訓動蠶績睦妯娌貞定少
言弗事容粧生子二繼杰公其仲也机杼訓子有益
母風為公娶孺人王氏不幸康孺人黃鵠早寡詩賦

柏舟冰霜礪節金石堅貞族中豪強逼使再醮孺人
矢志殉節遂名幼子少媳勉以孝友勤儉數事夜分
至半值兒媳安寢間出墮高崖而斃族人覺時則見
尸骨碎裂難堪言狀不惟見之者慘心即聞之者亦
莫不酸鼻適逢世變逐衝未獲請旌表揚以致荒煙
蔓草之中有湮沒桂林一枝昆山片玉焉公賦性揮
霍樂善好施生子四景熙之父培芬公其伯也原籍
狄道同治改元河湟告驚率子聚族中丁壯團練守

禦開倉賑濟一方賴以無虞嗣因王師久滯避之洞
中及賊攻洞甚急公知事不可為名子培芬公謂之
曰吾家世篤忠義豈肯降賊但祖宗樂善好施天必
不使楊氏無後也迫之行洞遂陷闔家殉難克復後
卜居渭城其長孫景熙弱冠列庠尋食餼而入成均
急欲闡發先人之幽光勒石以頌遂邀文於璋景熙
璋之同門友故不辭謏陋而述顛末以誌

例授武德騎尉楊公墓碑文

孫毓英

公諱培芬字子英古臨洮人也昆仲四人公居長生
即鎮定長更清通事父母以孝聞同治二年花門倡
亂伏莽偏野村無禦侮之資人少干城之選聞賊將
至爭相逃竄公尚未冠雖有捐命妖巢之志終以家
累不獲收得子虎穴之功爰從父命避難山洞未幾
群賊躡至蟻聚蜂屯公仲弟芳不自量力鳩集村衆
與賊約戰縱宜僚一介足當五百而彼衆我寡勢終
不敵矧以烏合作鷹揚乎以故兵未交綏而身先被

擄賊猖獗攻洞愈急公父謂公曰吾老矣死固其所
毋以我為念早投生如天不斬楊氏之祚異日貪狼
斂角太平有象收葬吾骨即孝也若玉石俱焚裡嗣
誰托孟子曰不孝有三無後為大汝輩即不為吾計
獨不為宗祀計乎公知事已危急萬難俱生是夜哭
別家由旁穴逃出次日洞破闔家殉難嗚呼傷哉逮
賊退往探積骸狼藉体俱無衣形俱腐變親屍不復
辨認公呼天不應捨地無門不苦無葬俱因以石土

封洞口而加標誌焉聞范心齋統領精銳全軍駐防
赤水公自維欲報不共之仇無如從戎之善隻身往
投即蒙錄用志切復仇臨陣忘身旋充隊長立保把
總時綠麻北莊等處豺牙必厲虺毒潛吹永甯橋畔
尤復賊羣如林雪及曜日公積憤塞胸恨不與賊俱
死首告奮勇直撲賊營以五十健兒當千百虓虎一
鼓作氣壘破賊奔雖酸棗台高藏洪首歛螿狐拔旗
考叔先登未足方斯勇敢有此愉快自是有戰必先

無攻不克賊悉論功行賞推公巨擘蒙前將軍
穆專摺奏獎以千總儘先補用並賞戴藍翎八年
精銳軍遣散投効楚軍左路左營適有隊下犯令擬
斬公效司馬奮揚縱放楚太子建事預令逃匿罪及
於公毒搥無算血肉淋漓衣服盡污備受慘楚旁觀
者咸垂淚及創愈同僚胥置酒相慶公曰以我一身
之苦得活一人之命死亦甘心况更生乎衆嘉其義
爭相納交是時閩隴漸次肅清公寄居渭邑力圖農

商有勸求任者公謝之曰四科尚重貨殖重賞不換
屠羊紈袴所甘非忠士之所願也燕雀所樂非鴻鵠之
所欣也於是振白圭之舊業法孔氏之雍容握算持
籌居奇炊累蓋不數年而人喧於室馬騰於槽居然
大家矣適季弟芳遠鄉力穡祭掃有人在渭遂家焉
公居心仁恕見義必為凡遇年荒暨鄰里鄉党貧不能
葬娶者或指困助麥或餽金助賻輒慷慨無吝色友
于尤篤嘗在家自語曰見吾季昆如見先人每值良

辰佳會必相往往來周旋數十年如一日堂姪景時少不知學日事嬉戲公喚至家囑霞舫曰此子尚可教汝其溫厲並用勤於啟迪果轉盼菜芹士林中有材堪造就而無力上進者亦時相周濟由是感激光緒丁酉歲十二月初四日值公花甲壽慶沐其恩者僉製錦祝嘏並贈樂善好施暨德孚桑梓等字匾額以誌弗諼德配趙安人名門淑媛性極恭順公之起家亦太安人內助之力居多生丈夫子一即霞舫也

秀出班行航心聖籍弱冠食餼尋貢成均宣統紀元
詔舉孝廉方正方盼奪錦帝都揚名顯親不期公被
二豎為灾百靈罔效於次年四月二十七日竟起玉
樓之召終於正寢享壽六旬有四五月十一日葬於
上開坪新塋禮也 英與霞舫訂莫逆交垂三十年矣
爾時方賦宴尔今已生子女各二孫亦二長子鴻烈
畢業師範學校次子鴻勛亦將入小學矣夫公以一
田舍郎深明大義出死入生由困轉亨而又恤寒畯

濟困乏仗義疎財積德行仁以致三多備集五福考
終似可無憾獨霞舫有未慊然者以公未獲享其厚
養與未及待其封典即所謂趙台卿聲名方盛所恬
先亡李日知鳳誥將來高堂不見何以愛親之心古
今人如出一轍也復為之銘曰韓嬰精悍公紳聰強
英氣勃勃早露鋒芒見危受命不可言孝為公所為
方盡其道仇不共戴奮不顧身殺敵致果以慰其親
死者復生生者幾死昨公之仁何克臻此聚財謀生

散財濟貧是乃仁術利己利人為善必昌天理昭彰
宜尔子孫長發其祥

郭乾一懿行序

歲貢姚燾甲

首陽之有雲盤山焉余弱冠時講學於其麓郭生肇
汾者即乾一公嫡男也乾一公崇儒重道賓主甚相
契每置酒話談間公輒以平生所為者向余縷叙故
余歷教年如一日也及科舉罷學校興肇汾收蘭省
文高等畢貢士業歷任西寧碾伯古浪渭源高小學

校長余亦進幕甘涼旋從軍於秦隴之間軍書勞午
思歆旋歸梓里飲酪釀酒食蕨薇菜與鄉老共詰離
悰孰意訃音忽到知乾一公已作古矣說友慕其德
行郵出門序於余以余交深而知之諗也故余慨然
應之公祖諱維俊配王氏父諱富邦配龔氏當同治
花門之變公奉父母避南山之香爐峰冠退則歸冠
至則往及賊氣愈熾父出探不返公知其遇害遂潛
出覓屍奈衣冠如蛻類哭之餘即葬衣冠為冢壘公

曰君父之仇不共戴天者遂乘夜掩其不備殺賊數人以洩其憤嗚呼壯矣自是又竄處伏兔奉母存活迨亂平歸里斬除荆棘牽蘿補屋以供饗殮是時四叔父流寓固城公乃星夜馳赴迎歸孝養士林多義之公性剛直業農商家計小康晚年好馳馬遠近有矍鑠是翁之稱夫公之一二軼事故可以表替聽發幽光然不足為公異至其復父仇事母於倉皇奔走之中此人之所難而公之所獨也公卒之日年七旬

有三配唐氏子二長肇汾次振汾女五孫二生齒之繁皆公之盛德有以致之也謹序

張氏烈婦墓表

江右陳鴻寶

甘肅當同治間回賊竄起所在蹂躪婦女之義不受辱慷慨赴難者郡縣所報奚啻數萬窮鄉僻壤零落湮沒更不知凡幾嗟夫仳離之際時窮勢迫非一死誠無以完其操至於被賊虜縛死不遽死百端拷掠備極殘酷拷掠不已繼而炮烙全身糜爛終不屈而

死若張烈婦者豈不重可哀也哉烈婦姓張氏南鄉
李椿林妻也之巨富也其先人樂善好施眷屬百餘
口當回賊猖獗避居漳之朝陽洞賊來窺洞李姓錦
標百笏等勇力過人督衆殺賊賊不得逞張氏因炊
爨在洞下適遇賊逼來及入洞被賊執去賊知為富
家婦也窖藏金銀必多初以甘言誘之謂張氏爾若
告我決不害爾否則命且莫保金銀何用婦罵曰吾
家素來積善凡窮民借貸隨在應給曾不少吝爾等

賊也恨不能殺尔以救鄉里今不幸至此命也有死而已他不知也賊怒以酷刑拷之慘毒萬狀身無完膚婦不屈終不告以藏金處越日賊用火烙之婦且哭且罵曰吾家丁男衆多他日必有能殺賊者吾一身何惜湯火所不避也賊大怒火益熾號哭震天腹裂腸斷竟死矣嗚呼烈哉使烈婦而為男子必能整齊綱常捍禦災患披髮纓冠如同室之救以靖此一方民必能為忠臣為義士毀家紓難崎嶇勤王百折

不回如文山壘山一流人物方且興日月而爭光以
烈婦之死事可知也嗟夫子修渭志至忠義錄殿婦
女殉難事於後每秉筆寒風颯颯陰氣襲人然未有
若張烈婦之慘者三復此事不能不為之神傷也故
特表之

清贈徵仕郎盧公厚齋暨元配再孀人墓表

陳鴻寶

渭源為古首陽縣山水奇秀故其地多清操好義之

士然自兵燹後邑人逃亡大半類皆至自遠方即如盧公厚齋亦當時客籍之矯矯者余未嘗拜公與孺人歲辛亥余承乏渭邑得公之子九峯綜理錢穀以是有以知公與孺人也蓋九峯孝子也每與余譚及父母創業之艱難則吟吟嗟嗟馬復藪藪淚下不止歎報罔極無由也今年春余應隴東鎮使張將軍聘纂修渭源縣志而九峯適先余在鎮署長軍需至是公與孺人之沒已十有一年矣每一譚又則又盈盈嗟嗟馬

復箴箴淚下不能止既而手家狀乞余表墓九峰固
孝子也忍以不文辭公諱永高字厚齋世居涇川之
王都廟父諱培林母馮氏兄弟五人公居末也幼好
搏擊戲弱冠遭徇亂流離失所從軍西征轉徙狄河
間不數年徇氛稍靖迺聘導河再處士之女為元配
至子女各一子即九峰也遂卜居於渭源而家焉初
路一瓦之覆一隴之植艱辛萬狀公與再孺人甘如
飴戮力耕耘家漸以裕公晚年性豪宕不屑屑計未

鹽家事悉委孺人世俗婦女多較錙銖以積聚增產
業為能需人恥事孳孳至以內經理搏節耳好施與
鄰窘輒竭蹶應時有逃荒童子患目疾幾瞽煒煒靡
依招致於家調養月餘目愈而歸戚某者治喪無貲
則厚賻而葬焉間遇歲歉佃戶負租累累兒媳欲奪
之孺人曰彼家數口賴此為生若奪之則為餓莩矣
豐年取償未此也其憐恤貧窮多類此子九峰既長
伏職縣署三十餘年終以依依膝下不忍遠離邑令

嘉其成績保舉典史迺遭時改革即以親老辭職公卒民國乙卯八月二十六日享年七旬孺人先一年卒享年七旬有四合葬於渭之宋原九峰廬墓三年事死如事生時稱孝子云壬戌之秋張將軍委為隴東鎮署軍需長又四載矣孫二長敏政業農次敏樹現充隴東學兵營排長孫女三曾孫四元亨利貞俱幼請於戲公與孺人往矣義行高風當與首陽俱永夫乞待表表之者此即九峰之所以為孝也余又竊

疑之昔王褒誦蓼莪則三復流涕不忍讀九峯今念
父母則三復流涕不忍不表不忍讀不忍慙也不忍
不表不忍不思也後之子孫能察其所以忍與不思
之由庶乎其可矣蓋九峯固孝子也

詩類

渭源縣馬鹿山一名首陽山上產白巖相傳

即夷齊採薇處也秦隴遊人題咏頗多鄉人

楊本忠先生

名行恕別號嶽麓山人
明天啟時庶常

嘗題詩於

其上今錄數絕句俾好古者有所考焉

採松花庵

詩話

百種雲母城萬鎰白玉郭打疊半生勞空山埋寂寞

張內史

石龕

東避懸旗慘投荒西抹薇若云雷首是不合近周畿

山

首陽

二老傷心處歸周又避周君臣千古義飢餓此山邱

夷齊

祠

一洞藏千佛千佛一佛是回首悟真空一佛已多矣

千佛

洞

函谷何時遇流沙此地偏獨憐無令尹放却五千言

老君

洞

曾提百萬兵英雄竟何事伏竄來空山千秋留姓字

石家

庵

世上奔忙處君同行脚僧歸來担方弛仙骨已峻嶒

化質郎
洞

吳鎮續作七首

峭壁俯山門振衣跋芒履天風吹鈴鐸驚墮黑鷹子

山門

西麓古香台靈光自耿耿月明逢羽人身作老楓影

顯光殿

孤鶴淚烟海遙投山客家五峯雲散盡湧出碧蓮花

蓮峯

一徑類旋螺萬松如叢矢何時呼虜龍為借天池水

三臺

臨崖垂半足跼步入空廊試拉堆金客來看賣貨郎

貨郎

洞

瑤草落紛紛茅庵寄白雲丹光消劍氣誰識故將軍

石家
庵

朝眠渭水雲夕卧關山月大地為夢場塵華自消歇
睡佛
洞

渭源八景

渭川東注

邑人張息敬

蹢躅西原行紀北縈小渚碧靄覆綠莎往來屬而苦
野老笑且言此水名今古夏居滌三泉是生百鱗祖
東流瑞負圖直下分天府誰能盡信書存之供雜俎

欽峪南橫

萬仞碧峻岫涓涓出其下合流戛玉鳴重巖
護平野遶遠曲而通三時青欲瀉孤城枕北
崗面之以為雅眠予安足評玉勒回天馬疇
能掇地靈投筆聊為寫

七聖陰雲

七聖何由名山巔遺趾在山物土善崩岌岌
赤而怪時或烟霧生移遊如飛蓋須臾天際
開連空成變隼農家春望賒秋陰鎮為害山
高類如此言之感慨

五竹積雪

五竹惟苦雪人言頗信哉
平頂橫天白露骨亦皚皚
相連秀峰下蘭若列其隈
西戎愛捐舍金壁輝丹岸
盛夏往舒眺集霰飛襟懷
山中四時興渠能久徘徊
龍湫靈異

神龍不可測於人亦並育迺以變化姿盆池寄空谷
鄉民禮翠微拖之出山麓金鼓闕巫覡野祭分陸續
既以旱而迎復以雹而逐媒藝歲月頻徒為違者忸

烏鼠幽寄

隴嶠東翠坑烏鼠即其根過峽仗南谷逶迤接浩壘
同穴遯為異因為萬壑尊絕頂促天漢半岩橫白雲
山徑浪傳玉至今月護存隨利知近遠疑信何紛紛

分水春濤

一坂分流水春濤雅立名畧約擬卷石潺湲聞細聲
障泥不可解驀越彼澹清牧豎橫短笛驅犢就芹蘋
熙渭遞相下行行復行行人生貴適意何待聞濯纓

慶坪夜月

夜月世所共何人擅有之王子昔避土儲胥遠在茲
高崖峙新築蒸抹奮其時朝代雖云改仡仡詎堪移
清霄宛初上碧落為之低相傳但如此吟嘯復奚疑

南川里八景

狄道吳鎮

塔寺松風

日近西山塔影長松間月映玲瓏光風前歷歷菓交
戰寺裏陰陰人歇涼吹動枝稍驚鶴夢颺來氣味散

花香千層翠靄俄翻浪遠送梵音出佛堂

牧山晚笛

疊疊重重滿月情志書應列此山名幾羣烈馬俄狂
性聚夥牧童賽曲聲日晚笛吹十八拍坡前草壯三
千牲野人遙指雲深處老幼同歡共太平

馬坂霧雨

陰陰地氣接雲生霧鎖晨朝晚半晴山塵不起土肥
潤野草長含珠露明雨後牧羊童鼓腹坡前射獵馬

曾提百萬兵英雄竟何事伏竄來空山个秋留姓字
家庵

世上奔忙處君同行脚僧歸來担方池仙骨已歧增
貨郎洞

吳鎮續作七首

峭壁倚山門振衣跋芒履天風吹鈴鐸驚墮黑鷹子
山門

西麓古香台靈光自耿耿月明達羽人身作老楓影

顯光殿

孤鶴淚烟海遙投山客家
五峯雲散盡湧出碧蓮花
蓮峯

一徑類旋螺萬松如叢矢
何時呼螭龍為借天地水
三臺

臨厓乘半足跼步入空廊
試拉推登客來看賣貨郎
貨郎洞

瑤草落紛紛第庵寄白雲
丹光消劍氣誰識故將軍

柳呀擇木良會得其所歸巢總在日西斜

河堤柳浪

河堤鬱茂樹千枝可似先年五柳姿對戶含烟拔地
起疊層捲浪任風吹萌芽綻出黃金色嫩葉生成綠
絲眉條絮纖纖如自動株頭有語是鶯啼

吟老子

邑人石懷璋

恭罷仙人悟靜緣磬聲花影澈清泉風流最是函關
道獨跨青牛破紫煙

吟奎星

耿耿文星耀紫穹
鰲頭獨立著高風
生花彩筆黃金斗
檢点群材入箇中

吟藥王

龍吟虎嘯憶當年
閔內先生妙手傳
何必金丹成少轉
草根木葉功齊天

吟百子菩薩

男來女往總求免
小像牢拴五色絲
天上麒麟原有

種世間無奈少人知

弔韓侯

不忘漂母一餐德豈背漢皇萬戶侯到底元勳無下落淮陰千載水悠悠

甲辰展重陽日落成問馬軒詠雜詩八則

梅樹南

四海如羹沸吾生甯足論一身渺若寄百里空自煩
小隱仍吳市偏陬亦漆園庭悠天地迤斯意樂忘言

決月事奔走工成民亦勞解囊分鶴俸卜築傍麟槽
細草隨堦曲新篁讓屋高佳期逢政室隨意酌香醪
結檻迎斜日開軒面碧山地偏賓朋少訟簡吏民間
哦句蝻寒瘦匡時媿老孱採薇人未遠心醉首陽巔
兩載臨洮路民親宛侶家祝年携榼酒獻壽餉松花
野菽頻留客山城早放衙宦情間似鶴不待賦懸車
矮屋依軍舍孤城倚後河地荒蒔樹少市小鬻牲多
襜疾迎山鬼祈年戲社儼熙皞民谷渾擊壤擬堯歌

百里嬉遊日寧知大陸沈鴨江兵燹急馬島陣雲深
水鷗爭懷壁石牛豈糞金雪山天下險南望祇沾巾
巴峽猿聲喚思鄉恨有餘三年陵谷變八口信音疏
鷺嶺春風禊龍門夜澤漁邊塵千里隔猶自夢吾廬
世運無終否吾身亦倦遊衣冠黃仍舊兩鬢賚白驚秋
厦木凭誰任芻牧好自求祇愁操宰割無術補金甌

悲渭川

江右陳鴻寶

清同治三年九月十六日
狴賊臨渭源城下縣

官乏守禦策徒以金錢為能事迺金錢既盡而
民命不保至十七日城陷廟署廬舍盡付一炬
屠戮生民以數萬計滿城官員及眷屬皆殉焉
四年三月陝獨合併相繼蹂躪按焚山谷流離
逃亡慘不忍言作悲渭川

渭川水何嗚咽渭川雲何鬱勃水為哀聲之所觸雲
為怨氣之所結君不見官氓疑賊賊登城賊計翻能
誘官氓送幣納賄均無用滿天火光聞殺聲衣未著

體食猶在口閉門蒼黃無路奔走久不暇携兒夫不
暇問婦賊勢如豺虎民命等雞狗烏鳶結陣銜人腸
新鬼鼉號斜陽棟宇燒殘劫灰冷魂歸何處尋家鄉
嗚呼死者已矣生者虜不虜豈能守故土赤脚科頭
雙手空流離轉徙秋飛蓬家人生死斷消息路梗無
計求鱗鴻前年賊來罹楚毒今年毒較前年酷卻憐縣
官一家遭戮何無福官無福士民哭悲渭川夜深陰
風耿殘燭

吊渭源楊三烈士 有序

江右 陳鴻寶

官堡鎮有楊氏盛氏素稱均望族同治初年河狇
倡亂舊回族在俱者屢歆起而應之文 楊三
烈士也商同盛際唐練團堵禦賊不得逞後曰
賊衆猝乘力不支村人逃散楊君卒死於難亟
楊二家盡遭屠毒盛君雖以奮閉得脫然已無
家矣事不見通志今修邑乘蒐討及此歌以弔
之

一童能執戈汪錡千秋名不磨一女能赴戎木蘭至
今播英風渭邑官堡鎮素來稱名勝舊有回族百數
家頻欲乘机效響應楊三練團癸亥年商同盛麻際唐小名
掃鐸煙妖賊憤恨不得逞想見義氣凌青天天手奈
何不厭禍前後邨莊盡賊殺屢戰屢勝旋勝旋感奮
身力竭卒不支兩家男婦遭魚肉轉閉山嶺川谷間
烈士殺身竟不遂墓不知何所死不知何日功不著
當時名不垂史筆嗟嗟新修通志勤採選曷不為附

殉難忠義傳不然節婦教萬例同書忍使沈淪湮沒
付子虛者舊口傳經累代惜無一人紀梗概我向官
堡山下望荒邨更無遺址在卷地瑟瑟秋風來四而
愁雲吹不開草枯猶似箭鋒簇葉落時作笳時哀流
水潺湲暮煙溼老樹昏鴉向人立故迹盡化輕飛塵
天地蒼茫萬感集迄今翠柏壓青松烈士手植鬚如
龍我欲詳究事顛末但聞山僧禮佛敲晚鐘

同治回紇初起張公漢三練團禦賊

前名

書生好文不好武，幾冠博帶竟何稱。平時慷慨希古
人，冠來廉恥喪如土。昔年春臨首陽城，偽檄四出紛
拜迎。毒霧冥濛日光黑，豹虎掉尾扇風腥。姚旗里下
有壯士，破產毀家買弓矢。號召健兒詳校練，白虹閃
閃義旂指。鉄騎浩蕩迎頭來，策馬奮擊飛塵埃。英雄
肝胆在，報國寶劍摩挲奔怒雷。南游嗟王粲，感時抱
憤惋。甘讓粗生先著鞭，使我漸塊背流汗。嗚呼，豈獨
使我慚愧背流汗。

弔裴烈婦柳氏有序

江右陳鴻寶

柳氏者渭源令裴倫之妻也薛舉之亂倫遇害
柳氏泮謂女及婦曰我輩遭此禍亂命也若辱
於賊其若汝父之死義何遂相繼投井而亡作
詩弔之

素者霜紈白者璧垢汚猥所良可惜烈婦潔身為潔
心寸衷皦皦神鬼欽紈任紛裂璧任碎抵死不受塵
埃侵不然城外妖氛惡鐵騎縱橫肆虜掠牛場鼠坻

堪偷生捐軀胡乃甘踴躍題詩久笑葭萌閑詬辱何
以立人寰今古綢常挽素手乾坤正氣歸紅顏沉沉
井水銷寒霧此中便是九泉路九泉安靜無風波蝦
姑趨迎魚婢護一家婦女詎無情節義為重命為輕
千載貞魂化不得夜月湘娥傳瑟聲

渭源清聖祠題壁

蜀北李士璋

夷齊叩馬諫西山當不遠相傳兩首陽誰為真地點
豈因薇蕨肥千里來隴坂荒服雜戎羌不隸職方管

義不食周粟到此不復返上追羲與軒聖神是邦產
佳哉隴首陽况復非奇險幽人甘隱遁履道自坦坦
兄弟相借來我知興不淺隱此而長終幽棲在絕巘
豈知千百年地以人而顯憑吊有荒碑久為蒼苔掩
獨有黎閭仙好古徵文獻飛鳧來渭源景仰深懷緬
謂此義士坟關係非淺鮮頑廉而儒立乾坤賴旋轉
况當世道衰狂瀾猶待挽廉恥道不存無限滄桑感
創建清聖祠立意真果敢鳩工復庀材落成在旦晚

編徵海內詩將以無編簡愧我一書癡無才應是選
感君意獨深而忘我所短作詩不成章聊以瑜誠款
雅慕聖之清馨香存昌奎千古仰高風將以愧澳忍
前題

世傳伯夷隘惟隘獨千古隘到無處可容身尋得首
陽一杯乾淨土采薇不療飢餓夫亦何苦叩馬致微
詞傷心載木主西伯若有靈應當棄而吐三分服事
忠羞與篡臣伍謬說岐山鳴鳳凰轉瞬周京盡木秦

一代興衰會有終報王畢竟為秦虜何如留得一身
清傲骨嶙峋撐寰宇君不見周衰景祚人百年空前
絕後古今傳西京鐘鼓東都宴至今想像渺如煙獨
有首陽人兩個采薇而食甘長餓年年蕨薇青復青
萬古猶存夷齊墓

前題

西蜀黎之彥

陟覺乾坤隘孤蹤且北征首陽甘餓死心史痛先生
養憶分周粟神應懋渭城中原幾祠廟墩勝謝公爭

舉世人皆濁清風此尚留
蕨薇經一采鳥鼠共千秋
莫以微箕志遂將卞務傳
渭流淘不盡頑懦使人愁
揖讓征誅外民權創自今
若重生此世應更苦前心
天意飛熊起臣言叩馬箴
滄桑多變局大義豈終沉
世說唱平等聞風孰起予
作新循良事私淑聖人徒
史傳双清合天撐一節孤
朝儀今起漢大雅伏輪扶
示兒徒赴首應試
邑人王維奠

柳色青圍旅舍旁
當爐儘有野花香
少年若被風流

誤坐命夕星亦闌先登程舉止宜端

不赴蘭垣兩載餘閑山崎路近何如磚途若有巖若
石即不逢君亦下車遇險處宜步行

舍館頻尋好主人有無緩急可相因匆匆行李纔安
頓急繕家書付雁鱗站宅即寄家信

寒暄飢飽自家知漫聽他人為轉移養得精神充足
後好臨夕障逞雄師飲食衣服留心

偷將兔冊入筠籃功令寬嚴去試探到得當官搜出

後夾帶帶枷共嘲談
臨場自禁夾帶

風簷拈筆早吟哦
駒影匆匆快似梭
若到斜陽求返舍
毛錐不比魯公戈
場中下筆宜早

渭源八景

邑人楊景熙

烏鼠幽寄

名山矗立萬千年
詳註水經代代傳
導渭探源來大禹
窮奇搜異有前賢
峰頭煙鎖當空月
洞口風生薄暮天
曾否穴中同烏鼠
詩人多少費評箋

龍湫靈異

當空紅日浴天池霖雨蒼生正此時風虎雲龍隨變
化瓊漿玉液有神奇一朝潤澤連千畝萬姓安居守
四維方信求湫非怪事春秋甘露惠無私

渭秋東注

間眺城邊渭水流長虹一道卧橋頭源探鳥鼠關山
月窟隱蛟龍秦地秋遠岸斜陽光射雁平沙激石浪
驚鷗一帆風順達千里東走西安輕盪舟

欽峪南橫

面向君山橫翠嵐蜿蜒起伏接終南
渭城入望雲光散欽峪重封霧早含
斗映離宮星不一弓張巽位月初三
首陽鎖鑰威千古雄對北方萬象涵

七聖陰雲

七聖峩峩起勢雄屏藩羅列渭城東
煙雲隱隱弥天碧霧雨濛濛晴日紅
南望龍湫涵玉液西連鼠嶺爽金風
無心出岫含玄素自是山靈保障功

五竹積雪

挺出秀峰竹數竿
年年積雪不凋殘
光天金佛像都
古鋪地銀花色
可餐深澗瓊瑤藏
日永幽篁枝節耐
風寒山中定卧
高賢士當結藩
籬引鳳鸞

關山夜月

迢遞關山接大荒
每當天晚見光芒
月華冷豔清如水
夜色分明白似霜
薄暮雪花方燦爛
元宵燈影比輝煌
恍疑懸鏡留人鑑
秉燭不煩對此鄉

分水春濤

巖南巖北皆春水但見碧濤蕩漾同泉石咽聲通左
石山河壯色映西東波流並出一條帶浪湧兼生
兩地風惟有源頭冰散盡方纔天暖日和融

謹案明代大臣郭節隨建文帝逃難流寓渭源五
竹寺號五竹僧已載入逸民傳同時又有河西傭
者相傳即編修趙天泰建文四年冬披葛衣行乞
金城市亦號葛衣翁後至河西傭於莊浪魯家取

直買羊裘而以故葛衣覆其上破縷縷不肯棄力
作倦輒自吟我或夜聞其哭聲久之京朝官至識
傭欲與語走南山避之或問京朝官傭何人官亦不
答在莊浪數年病且死呼主人囑曰我死勿殮西北
風起火我勿埋我骨魯家從具言汪志伊有河西
傭詩此事關於綱常名教不淺故附錄之

河西傭詩

汪志伊作

晚凋葵沃沃解得傾心並衛足
孤鴻飛冥冥珍重羽

儀防戈人豈曰賢者集於蓼智及不如葵與鳥彼何
人哉披葛衣心愴天日何時了但留天日繫我情不
願人間知姓名飢驅來往金城市雪花蕩漾風悽清
陽回何時回黍谷飄泊河西依豪族轉移執事伍間
民彷徨欲擊漸離筑塞草青青天欲空晝或長歌夜
或哭表出羊裘傲葛存一縑一縷故居思黯然拂拭
衣襟上點點當時別淚痕京來舊識欲與語灰木無
心商出處超然鶴翥入南山一片白雲自容與可憐

鬱鬱久居此潦倒心情病且死怪底遺言焚骸竒必
乘西北風何為臣心不隨烟俱滅臣魂欲與灰南飛
遙憶當年大內火耿耿浩氣今皈依君不見孝孺子
子寧皆斷舌英風懍懍猶書血又不見景清鉄鉉俱
竒骨鼎鑊之餘仍抗節以此方之河西傭有死無式
將母同豈知當日捐軀者猶得名留青史中惟有夔
州補鍋匠與傭異地留孤蹤嗟呼其人姓名不可指
要知心地元空空秦志

謹案清同治初年回匪猖亂渭源城陷慘殺人命
數萬收骸骨而埋之一處名為白骨塔維時洮岷
一帶遭屠戮者尤衆有建塔藏骸詩特附錄之聊
以志痛耳

建塔藏骸 十二首

盧永清

隱隱深山古北印秋風塔影晚來涼七層丹磴樓幽
魄五夜青燐近佛光皆是男兒經百戰還憐終古此
叢鄉即今掩骼多恩澤總覺蕭蕭過白楊

二

張純南

將帥功成百戰秋平沙白骨有誰收
海天陰雨聲通
慘荒朔蒲桃鬼亦愁
萬里無屍歸馬革
七層終古壓
洮流塔成長下英雄淚
颯颯悲風動戍樓

三

張壽琿

生既饑胡盪魂刀飲血死則殘軀
餓狼筋斷節離離
白骨拋避荒終古舍冤
訴忠烈却羨秦儒被坑劫
猶得全歸同入穴
嗚呼誰無父母無妻子
家莫聞知還

夢裏悲雲封斷雁門西茫茫何處歸鄉里君不見無
定河邊青海頭深風大野聲啾啾男兒七尺鬚眉偉
高豎脊梁報國仇天槍聳角擒英魄一朝委棄無人
收髑髏夜走妖狐口黃蘆月黑古城幽父兄僕射著
軍中子弟皆吾骨肉同糜竺何心求襍火王忱偏自
感飄風萋萋蒿草窮揆盡萬古靈棲塔影崇隴上晴
明花韻遍陽春日暖天容空

四

張琛光

十載干戈戰血紅
荒邱暴骨亂如叢
可憐貴賤同枯朽
未忍鯨鯢覆犬戎
露冷忠魂悲夜月
雨淋雄鬼泣秋風
凌空孤塔雲封固
西伯深仁古今同

五

呂進修

陰霾晝翳使人愁
枯骼縱橫遍野陬
荒草夜寒青海月
邊風時帶里山秋
已無馬鬣渠阡表
猶藉雲峯尔骨收
仁政本從西伯得
朔南恩自著明幽

六

劉穰萬

一塔湧蒼蒼
枯骸掃戰場
魂終依故壘
夢不斷他鄉
風雨山河冷
功名竹帛香
九原應雪憤
含笑賦偕藏

七

何振翊

幾陣悲風起
枯骸亂戰場
翻教歸瓦石
不使散洮陽
一塔懸終古
孤魂得允藏
雲封籠馬鬣
遺恨在伊涼

八

喻庚

大戰沙場白骨橫
可憐無處覓佳城
殘骸此日歸青塚
寶塔千秋挂晚晴
風雨難禁長夜夢
英雄不負遠

游名深仁自昔懷西伯黃土無情却有情

九

陳瑞瀛

十載干戈擾邊何血戰紅荒原橫亂骨落日起悲風
秋瓦石殊京觀深仁被犬戎秋風收怨魄孤塔影凌空

十

嚴先禮

天陰鬼哭戰場前似訴支離骨可憐百戰英雄歸石
甃半生肝胆冷冥泉黃墟不忍埋忠憤井磴含悽結
晚煙料得夜台春夢醒塔前明月為誰圓

十一

檢點支離骨都歸此塔中青
萍悲落漠黃土薄英雄
鬼哭漆燈黑螢飛迦葉紅
最憐秋夜雨鈴响落花空

李支瑞

骷骸風雨欲成泥
忽見浮圉樹影齊
九地銜息君識
否應將鄉夢訴春閨

金石

禹王廟碑

在西十里龍王溝渭水頭
字跡模糊不知始自何代

鳥鼠山碑字跡剝蝕不辨一字

渭河龍王廟碑字跡不全可辨二十餘字

定遠侯譚公墓碑

在杜家鋪譚家窰係明末武探花官至定遠侯碑首文曰定遠侯譚公之墓可辨十餘字

其新刻碑記已錄其文者不詳

銅鑄釋伽

王家寺有銅鑄釋伽兩尊高尺有六寸清順治時鑄

雜錄

前九卷之志條理井然凡百事體既依類相沒復以
雜錄名者何也其事其人本與此邑相屬存之則無
門可入棄之則遺憾良多不得不為雜錄之舉其仙
道方伎實有其人即宜寔著其名終以考異亦寔事
求是信以傳信之意也志雜錄第十

仙道方伎

封君達唐時人少好道術隱於烏鼠山百餘年時騎

倉庫清源集卷之三
一
一
旨牛為鄉人治病後竟不知所終殆亦王喬張果之
流亞與

張道會司名一齡龍門派十一代孫邑五竹區柳家
寨張家大莊人破四相迷怡三乘法出家為道渭源
克復復主持城隍廟同治十三年邑大旱以道法行
禱先天紅日之中忽而霖雨沛降四野沾足秋登大
有前開字軍統領梅開恭邑令熊公嘉其能活千萬
人贈重金固卻不受邑人製錦衣以表微忱又精岐

黃術遠近求醫者無論雨雪莫不趨赴療治其急於濟人殆天性然也壽至百餘歲而終

渭橋

邑人楊鴻烈西遊筆記距燉煌三里許有村莊數十家為劉楊李侯等姓父老相傳係渭源人清初移民出關防邊後遂僑寓於此觀其所記家廟方神河神仍是渭源舊俗歷數百年而不改聞鴻烈為同鄉咸來問訊欲邀至其家情裡甚隆蓋猶有古風云

災異

災祥之說漢儒為甚君子詬焉顧春秋二百四十二年史不絕書天人感召之故不可忽也俗士不察動委諸氣數遂茫然於恐懼修省之旨嗚呼誤矣夫休咎之微民命攸關臚而陳之未必非良有司之一助也

明

正德十四年秋八月大雨雹桃李華

以下均採訪

嘉靖八年之飢餓殍載道

隆慶六年民家牝雞化為雄

萬曆十年大旱餓殍相望

崇禎十三年大旱斗米二千錢飢民流離

崇禎十五年冬十月桃李華

清

順治五年夏四月雨雹 以下均採訪

康熙五年十六年四十年五十四年均旱

雍正六年雨雹

雍正七年秋禾災

乾隆二十四年旱米麥每倉石值銀五六兩

乾隆三十八年邑大飢

道光四年大飢餓殍載道

咸豐年大飢

光緒二十九年夏雨雹南鄉數十庄禾稼損傷淨盡

查甘肅地震頗多豈渭源而獨無之緣此時局設
平涼又適值戰事採訪各員於震災均未注意且

內書籍未備即原屬蘭州府志亦亟借不到是以無從登載雖然余尤有感焉如山川田賦之類苟有變遷猶得隨時更正倘人物一頁遺漏後之人將安所考乎如孟獻子有友五人而竟逸其王董仲舒一代大儒而竟逸其字真為千古遺恨又如古今作家譜者即子孫亦多逃其祖宗之名雖孝子慈孫將奈之何亦足悲矣余故於人物一志特為加詳雖不敢泛必不敢略即如此尚恐名世賢達

與時俱往未盡撈錄而深山窮谷寧無潛修靜養
其人者即里閭亦罕知之况千世之下百里之遙
自秦漢以迄明清孰從而物色之哉以彼其人雖
無心於身後之名而後生小子竟授梓里先哲泯
沒不傳尚友私淑之謂何至於貞女烈婦其子孫
既無力為之旌揚又鮮文人學士闡微發潛便有
藉而傳於後其湮沒而弗彰者更何有勝道余故
每念及此不禁掩卷而長歎也區區之意尤願來

哲講求而續補焉 丙寅夏鴻寶謹識
首卷酌擬縣境全圖一縣城圖一八景圖各一共計
拾圖因戰事散佚暫付缺如應俟續補以副原稿丙
寅秋末鴻寶再識

封面	-3
书名	-2
前言	-1
1	1
2	2
3	3
4	4
5	5
6	6
7	7
8	8
9	9
10	10
11	11
12	12
13	13
14	14
15	15
16	16
17	17
18	18
19	19
20	20
21	21
22	22
23	23
24	24
25	25
26	26
27	27
28	28
29	29
30	30
31	31
32	32
33	33
34	34
35	35
36	36
37	37
38	38
39	39
40	40
41	41
42	42
43	43
44	44
45	45
46	46
47	47
48	48
49	49
50	50
51	51
52	52
53	53
54	54
55	55
56	56
57	57

58	58
59	59
60	60
61	61
62	62
63	63
64	64
65	65
66	66
67	67
68	68
69	69
70	70
71	71
72	72
73	73
74	74
75	75
76	76
77	77
78	78
79	79
80	80
81	81
82	82
83	83
84	84
85	85
86	86
87	87
88	88
89	89
90	90
91	91
92	92
93	93
94	94
95	95
96	96
97	97
98	98
99	99
100	100
101	101
102	102
103	103
104	104
105	105
106	106
107	107
108	108
109	109
110	110
111	111
112	112
113	113
114	114
115	115
116	116
117	117
118	118

119 119
120 120
121 121
122 122
123 123
124 124
125 125
126 126
127 127
128 128
129 129
130 130
131 131
132 132
133 133
134 134
135 135
136 136
137 137
138 138
139 139
140 140
141 141
142 142
143 143
144 144
145 145
146 146
147 147
148 148
149 149
150 150
151 151
152 152
153 153
154 154
155 155
156 156
157 157
158 158
159 159
160 160
161 161
162 162
163 163
164 164
165 165
166 166
167 167
168 168
169 169
170 170
171 171
172 172
173 173
174 174
175 175
176 176
177 177
178 178
179 179

180 180
181 181
182 182
183 183
184 184
185 185
186 186
187 187
188 188
189 189
190 190
191 191
192 192
193 193
194 194
195 195
196 196
197 197
198 198
199 199
200 200
201 201
202 202
203 203
204 204
205 205
206 206
207 207
208 208
209 209
210 210
211 211
212 212
213 213
214 214
215 215
216 216
217 217
218 218
219 219
220 220
221 221
222 222
223 223
224 224
225 225
226 226
227 227
228 228
229 229
230 230
231 231
232 232
233 233
234 234
235 235
236 236
237 237
238 238
239 239
240 240

241 241
242 242
243 243
244 244
245 245
246 246
247 247
248 248
249 249
250 250
251 251
252 252
253 253
254 254
255 255
256 256
257 257
258 258
259 259
260 260
261 261
262 262
263 263
264 264
265 265
266 266
267 267
268 268
269 269
270 270
271 271
272 272
273 273
274 274
275 275
276 276
277 277
278 278
279 279
280 280
281 281
282 282
283 283
284 284
285 285
286 286
287 287
288 288
289 289
290 290
291 291
292 292
293 293
294 294
295 295
296 296
297 297
298 298
299 299
300 300
301 301

302 302
303 303
304 304
305 305
306 306
307 307
308 308
309 309
310 310
311 311
312 312
313 313
314 314
315 315
316 316
317 317
318 318
319 319
320 320
321 321
322 322
323 323
324 324
325 325
326 326
327 327
328 328
329 329
330 330
331 331
332 332
333 333
334 334
335 335
336 336
337 337
338 338
339 339
340 340
341 341
342 342
343 343
344 344
345 345
346 346
347 347
348 348
349 349
350 350
351 351
352 352
353 353
354 354
355 355
356 356
357 357
358 358
359 359
360 360
361 361
362 362

363 363
364 364
365 365
366 366
367 367
368 368
369 369
370 370
371 371
372 372
373 373
374 374
375 375
376 376
377 377
378 378
379 379
380 380
381 381
382 382
383 383
384 384
385 385
386 386
387 387
388 388
389 389
390 390
391 391
392 392
393 393
394 394
395 395
396 396
397 397
398 398
399 399
400 400
401 401
402 402
403 403
404 404
405 405
406 406
407 407
408 408
409 409
410 410
411 411
412 412
413 413
414 414
415 415
416 416
417 417
418 418
419 419
420 420
421 421
422 422
423 423

424 424
425 425
426 426
427 427
428 428
429 429
430 430
431 431
432 432
433 433
434 434
435 435
436 436
437 437
438 438
439 439
440 440
441 441
442 442
443 443
444 444
445 445
446 446
447 447
448 448
449 449